

DS  
735  
A2Y86  
1771a  
V. 46

University of Toronto  
Library

C400/62

ASIAN COLLECTION





御批歷代通鑑輯覽卷之九十一

宋

寧宗皇帝

辛巳嘉定十四年。金興定五年。春三月金兵破黃蘄州引還扈再

興李全追擊敗之。

初金人攻蘄知州李誠之。字茂欽。婺州東陽人。百計禦之會黃州

失守金人併兵來攻城始破誠之併其妻子官屬皆死

之金兵退再興邀擊于天長敗之及渡淮北去全又大

敗之。宋元通鑑金人圍黃州州守何大節取郡印佩之誓以死守一夕與兵忽奔告曰城陷矣擁之登車

敵兵已集大節自沉于江而死時以誠之大節二人等死誠之果決特為褒贈立廟大節遲迴等于棄城遁走

所載與續綱目不同今並注于此。



夏五月甲申朔日食。

蒙古取金東平。使嚴實石珪守之。金以呼爾噶行省于邳州。王庭玉行元帥府于黃陵岡。

東平被圍久。糧道復絕。行省呼爾噶監軍王庭玉不能

守。率眾趨邳州。蒙古蘇阿呼圖哩

舊作唆魯忽禿。今改。邀擊斬首

七千級。嚴實遂入城。建行省于府第。先是穆瑚黎以東

平不下。將還。謂千戶薩里台

舊作撒爾塔。今改。曰。東平破。可命

嚴實石珪分城內南北以守之。遂去。至是薩里台以穆

呼哩命。中分其城。以嚴實撫安東平。以北恩博等州。石

珪移治曹州。

已而金王庭玉取曹州。殺石珪。

六月立沂王嗣子貴和為皇子。更名竑。



建諸大事而假其權於相  
臣已乖防微杜漸之道矧  
苗沂王立後為名廣選宗  
室致奸臣陰售其私蓄意  
覬覦遂擅廢置國事幾不  
可問彌遠固罪不容于死  
而推溯由來寧宗實貽之  
禍根也

帝以國本未立命選太祖十世孫年十五歲以上者教  
育宮中如高宗擇普安王故事于是立貴和為皇子以  
貴誠為秉義郎貴誠初名與莒燕懿王德昭之後希璠  
之子也母全氏家于紹興山陰縣初慶  
元人余天錫為史彌遠府童子師性謹厚彌遠器重之  
彌遠在相位久以帝未有儲嗣而沂靖惠王近屬亦未  
有後欲借沂王置後為名陰擇宗室中可立者以備皇  
子之選會天錫告還鄉秋試彌遠密語之曰今沂王無  
後宗子賢厚者幸具以來天錫渡浙舟抵越西門會天  
大雨過全保長家避雨保長知為丞相客具雞黍甚肅  
須臾有二子侍立天錫異而問之保長曰此吾外孫趙  
與莒與莒也日者嘗言二兄後當極貴天錫因憶彌遠  
言及還臨安以告之彌遠命召二子來保長大喜鬻田  
治衣冠集姻黨送之且詫其遇及見彌遠善相大奇之  
恐事洩不便遽使復歸保長大慙逾年彌遠忽謂天錫  
曰二子可復來乎天錫召之保長辭謝不遣彌遠乃使  
天錫密諭保長曰二子長者最貴宜還撫于其父家遂  
載至臨安及貴和立為皇子乃補與莒秉義郎賜名貴  
誠年十七矣



京湖制置大使趙方卒。

方病革曰。未死一日。當立一日紀綱。及卒。人皆思之。方少

從張栻學。初知青陽縣。告其守史彌遠曰。催科不擾。是催科中撫字。刑罰無差。是刑罰中教化。人以為名言。方守襄漢十年。以戰為守。合官民兵為一體。通制總司為一家。許國之忠。應變之略。隱然有樽俎折衝之風。故金人擾邊。淮蜀大困。而京西一境獨全。能用名人如陳鵬游九功輩。皆拔為大吏。扈再興。孟宗政。皆自土豪。推誠擢任。致其死力。卒為名將。故能藩屏一方。使朝廷無北顧之憂。游九功。字勉之。建陽人。

九月立宗室貴誠為沂王後。

貴誠凝重寡言。潔修好學。每朝參待漏。他人或笑語。貴誠獨儼然。出入殿庭。矩度有常。見者斂容。彌遠益異之。至是立為沂靖惠王後。

冬十月。蒙古穆呼哩侵夏。夏人以兵附之。遂取金葭州。及



綏德州十一月圍延安府

穆呼哩由東勝州涉河引兵而西夏主聞之懼遣塔卜

凱沁布

舊作塔海監府今改

等宴穆呼哩于河南且遣特格

舊作塔哥

今改甘普將兵五萬屬焉十月穆呼哩引兵東行入葭州

金將王公佐遁

穆呼哩以石天應權行臺守葭而自將兵攻綏德破兩寨

夏主遣蔑

布

舊作迷僕今改

帥衆會之蔑布問穆呼哩相見之儀穆呼哩

曰汝主見我主卽其禮也蔑布曰未受主命不敢卽拜

因引衆去至是穆呼哩進攻延安蔑布始贊馬而拜金

元帥哈達

卽完顏瞻字景山按哈達舊作合達今改後仿此

與納哈塔邁珠禦

之哈達以兵三萬陳于城東蒙古將蒙古布哈先以騎

士三千趨之約半夜伏發穆呼哩乃命軍士銜枚潛進



伏于城東兩谷間。明日蒙古布哈望見金兵。佯棄旗鼓走。金兵追之。穆呼哩出。伏兵乘其後。鼓輦震天。金兵大亂。穆呼哩追殺七千餘人。哈達走入延安城。堅壁不出。穆呼哩以城池堅深。猝不可拔。乃留軍圍之。而自將兵南攻鄜坊等州。

四川宣撫使安丙卒。詔以崔與之

字正子。廣州人。

爲四川制置使。

盡護蜀軍。

丙在四川。以攻爲守。威績甚著。朝廷賴之。及卒。詔與之盡護四蜀之師。與之開誠布公。拊循將士。人人悅服。軍政復立。

張林叛降蒙古。穆呼哩以林行山東東路都元帥李福自



膠西逃歸。

李全既併將漣水忠義益驕悍輕朝廷

及趙全山作佛事以薦國殤知

鎮江府喬行簡方舟逆全大合樂以享之全歸謂其徒曰江南佳麗無比正須若等一到始造舳舻舟謀爭舟楫之利焉喬行簡

字壽朋婺州東陽人

膠西當登寧海之衝百貨輻輳全

使其兄福守之爲窟宅計時互市始通北人尤重南貨

價增十倍全誘商人至山陽以舟浮其貨而中分之自

淮轉海達于膠西福又具車輦之而稅其半乃聽往諸

郡貿易車夫皆督辦于張林林不能堪林財計仰六鹽

場福恃弟有恩于林欲分其半林許福恣取鹽而不分

場福怒曰若背恩邪待與都統提兵取君頭耳林懼其

黨李馬兒說林歸蒙古林遂以京東諸郡請降于蒙古



穆呼哩以林行山東東路益都滄景濱棣等州都元帥

府事福狼狽走還楚州林猶遺賈涉書言非已叛實由

李福也

已而知濟南府神贊討張林林敗走李全入青州據之事在十五年五月

閏十二月遣使如蒙古

通好也蒙古尋遣使來報

壬午十五年

金元光元年

春正月庚戌朔受恭膺天命寶于大慶

殿大赦

初鎮江都統翟朝宗得璽于金師獻于朝既而趙拱又

得玉印文與璽同而加大朝廷喜受之行慶賀禮大赦

賈涉遺書彌遠謂天意隱而難知人事切而易見當思今日人事尚未有可答天意彌遠不憚

二月金人復來侵夏五月淮兵襲敗之



金主以朝廷絕歲幣。國用以乏。乃命元帥左監軍鄂和行元帥府事。節制三路軍馬。同簽書樞密院事。時全副之。由潁壽進渡淮。敗官軍于高塘市。今日高塘鎮在潁州府霍邱縣西。

攻固始縣。破廬州將焦思忠兵。旣而獲生口。言全之姪青受宋詔。與全兵相拒。全匿其事。五月。鄂和引衆還。距淮二十里。諸軍將渡。全矯稱密詔。諸軍且留。收淮南麥。遂下令人獲三石以給軍。衆惑之。留三日。鄂和謂全曰。今淮水淺狹。可以遠濟。若值暴漲。宋乘其後。將不得完歸矣。全力拒之。是夕大雨。明日。淮水暴漲。乃爲橋渡軍。官軍襲之。全兵大敗。橋壞。全以輕舟先濟。士卒皆覆沒。金之兵財。由是大竭。金主詔數全罪而誅之。



彌遠敢于嫉其皇子設計  
動搖奸惡實無可道然竑  
方居潛養正遽以他日得  
志自期非但淺率無知而  
為皇子者胷中豈宜竟萌  
此想即使克踐尊位亦知  
其不能勉承宗緒耳

進封子竑為濟國公以貴誠為邵州防禦使。

竑好鼓琴。史彌遠買美人善鼓琴者納諸竑。而厚撫其家。使覘竑動息。美人知書慧黠。竑嬖之時。楊皇后專國政。彌遠用事久。宰執侍從臺諫藩閫皆所引薦。莫敢誰何。權勢熏灼。竑心不能平。嘗書楊后及彌遠之事于几上。曰。彌遠當決配八千里。又嘗指宮壁輿地圖瓊厓曰。吾他日得志。置史彌遠于此。又嘗呼彌遠為新恩。以他日非新州則恩州也。彌遠聞之大懼。思以處竑。而竑不知。真德秀時兼宮教諫。竑曰。皇太子若能孝于慈母而敬大臣。則天命歸之矣。否則深可慮也。竑不聽。一日彌遠為其父浩飯僧淨慈寺。與國子學錄鄭清之。

字德源。鄞人。



登慧日閣。屏人語曰。皇子不堪負荷。聞後沂邸者甚賢。今欲擇講官。君其善訓導之。事成。彌遠之坐。卽君坐也。然言出于彌遠之口。入于君之耳。若一語泄。吾與君皆族矣。清之曰。不敢。乃以清之兼魏惠王府學教授。清之曰。教貴誠爲文。又購高宗御書。俾習焉。清之謁彌遠。卽示以貴誠詩文翰墨。譽之不容口。彌遠嘗問清之曰。吾聞皇姪之賢已熟。大要竟如何。清之曰。其人之賢。更僕不能數。然一言以斷之曰。不凡。彌遠頷之。再三策立之意益堅。乃日媒孽竝之。失于帝。覬帝廢竝。立貴誠。而帝不悟其意。

秋八月。長星見西方。

金距此時逾一年四月始  
易主何係於長星之見且



彼時南有宋而北有金蒙古亦方興之國而西方則西夏之地長星究為誰見耶此不過附會楚材明天文之說而不知其怪誕已甚也

蒙古耶律楚材謂其主曰女真將易主矣

九月大名忠義彭義斌復京東州縣嚴實將晁海以青崖峒降。

冬十月蒙古穆呼哩取金河中以石天應權河東關陝行臺。

穆呼哩所過州縣皆下時金于牛心寨。在吉州西。僑治吉州

事穆呼哩自隰州攻之知州楊貞。字正甫吉州人。令妻孥先隊

崖已從之皆死。考一統志楊貞築牛心寨以拒元兵子克義戰歿元兵攻之急命其子克敬克

讓俱死妻孟氏自經乃南望再拜。穆呼哩入寨留兵守

自投河中。所載較詳。今附注于此。之且使蒙古布哈引遊騎出秦隴以為聲援及相視山

川夷險而自將兵下孟州晉陽霍邑等寨石天應謂



之曰。河中爲河東要郡。擇守非君不可。乃以天應權行  
臺平陽太原吉陽等帥。並受節制。穆呼哩遂趨長安。使  
烏呼鼐爾台布哈舊作兀胡乃屯守之。遣阿齊台舊作  
太不花今改安赤舊作  
今改將兵斷潼關。

十一月。蒙古穆呼哩取金同州。節度使完顏鄂和死之。  
十二月。以李全爲保寧節度使。京東河北鎮撫副使。

初。史彌遠欲加全官。賈涉止之。及加節鉞。涉嘆曰。朝廷  
但知官爵。可以得其心。寧知驕則將至于不可勸邪。

蒙古主特穆津入西域。滅回回國。即默迪納國。明史西域  
傳。默迪納。回回祖國也。  
相傳其祖國王瑪哈木瑪特。生而神靈。盡臣服西域諸國。  
尊爲排哈木巴爾。猶言天使也。其教以事天爲主。而無像  
設。隋開皇間。始傳其教入中國。迄元世。其人遍于四方。  
續綱目是條提綱。書蒙古主入西域。居密爾城。滅回回國。

鄭樵言都縣有時而更  
山川千古不易外國部落



亦然史稱元太祖既平西域盡易前代國名以蒙古語於是古國俱不可考不知名號雖更山川猶昔設本撫有其疆域何由詳考其名稱若今回部平定山川道里悉按圖可稽以今準古如漢之三十六國唐之安西四鎮何不可瞭然指視哉

大掠忻都而還考元史太祖紀十七年壬午西域主扎拉迪音出奔與密爾汗合帝自將擊之擒瑪里克汗扎拉迪音遁去追之不獲十八年癸未定西域諸城置達魯噶齊監治之十九年甲申帝至東印度國角端見班師據此則回回之滅與角端之見事隔兩年續綱目併作一條非是今于是條提綱但書蒙古主滅回回國而以忻都角端之見附敘目中仍加已而二字以別先後按默迪納舊作默德那排哈木巴爾舊作派噶木巴爾密爾舊作密里扎拉迪音舊作扎拉下瑪里克汗舊作密里汗今並改

先是蒙古主遣子卓齊特察罕台諤格德依圖類分攻

鄂托落爾舊作幹脫玉隴哈什等城自將攻達爾瑪舊作

迭里密及巴喇勒哈舊作班勒城方輿紀要諸城皆在今改城方輿紀要諸城皆在今改

冲地舊曰天堂亦曰默伽在西域極西考西域圖志和闐回部所屬六城有玉隴哈什蓋卽元時所謂玉龍城也

遂圍塔爾哈舊作塔里寨方輿紀要在默迪納境也近天方進薄回

回國其王委國而去續綱目作逃于是擊定西域諸城



角端能解人言事涉荒誕  
楚材雖博洽何所據而云  
然或元太祖至此本不欲  
窮兵故爾班師歸國好奇  
者遂從而傳會之元史燕  
維不足觀由當時紀載失  
其末廉諸人又不為詐覈  
輿論沿訛其失誠不可枚  
舉也

置達嚕噶齊。猶華言掌印官也。監治之。已而蒙古主進掠忻都。

卽印度也。方輿紀要。漢身毒國。六朝及唐。謂之天竺。宋時謂之忻都。後又訛爲印度。有東西南北中五國。所謂五印度。次鐵門關。明史西域傳。賽瑪爾堪。渴石城西。有是也。

番人號爲鐵門關。賽瑪爾堪。古馬鹿形。綠色。屬賓國也。舊作撒馬兒罕。今改。侍衛見一獸。馬尾。

而獨角。能爲人言。謂之曰。汝君宜早還。蒙古主怪之。以

問耶律楚材。對曰。此獸名角端。解四夷語。是惡殺之象。

今大軍西征已四年。蓋上天惡殺。遣之告陛下。願承天

心。宥此數國人命。實無疆之福。蒙古主遂班師。

癸十六年。金元光二年。春正月。金元帥都監侯孝順。河東人。按侯孝順。舊

作侯小叔。今改。後仿此。取河中。殺蒙古石天應。

穆呼哩攻鳳翔府。晝夜苦戰。四十餘日不下。將由河中



北還。金元帥右都監侯孝順襲河中破之。殺石天應。焚

浮橋而退。穆呼哩以天應子翁科。按翁科舊作幹。可。今改。後仿此。代領

其衆。初。金主命元帥都監阿魯岱守河中。阿魯岱懼怯。不能軍。竭民膏血。為浚築之計。及絳州破。阿魯岱

益懼。馳奏河中孤城不可守。有旨親視。果不可守。則棄之。無至資敵。阿魯岱遂棄河中。燒民居官舍。一二日而

盡。尋有言河中重鎮。國家基本所在。設為敵人所據。則大河之險。我不得專恃矣。金主命有司復修葺之。終不

能成。故隨守隨陷。按阿魯岱舊作阿魯帶。今改。

三月。蒙古穆呼哩卒于解州。

穆呼哩自河中帥師還至解州。聞喜縣。以疾卒。穆呼哩

雄勇善謀。與博爾濟。阿爾拉氏。納固爾。博勒呼。厚新。齊

拉袞。按博果濟舊作博爾木。阿爾拉舊作阿兒刺。納固

爾傲拉舊作納忽。阿兒蘭。博勒呼舊作博兒忽。厚新舊作許兀慎。齊拉袞舊作赤老溫。今並改。後仿此。俱以忠勇佐元主創業。賜號



為都爾本庫魯克

舊作撥里玑  
曲律今改

猶華言四傑也。四人之

子孫皆領宿衛號四集贊

舊作怯  
薛今改

出官則為輔相焉。

夏六月淮東制置使賈涉卒。

涉以李全驕暴難制力求還朝在道卒。

初涉欲制忠義  
兵乃以翟朝宗

統鎮江副司八千人屯楚州城中又分帳前忠義萬人  
命趙邦永高友統五千屯城西王暉于潭統五千屯淮  
陰李全輕鎮江兵而忌帳前忠義乃數稱高友等勇遇  
出軍必請以自隨涉不許全每宴麾下併召涉帳前將  
校于是帳前亦願隸全然未能合也及涉卒即壽邁攝  
帥事全請曰忠義烏合尺籍鹵莽莫若別置新籍一納  
諸朝一甲制閫一留全所庶功過有考請給無弊壽邁  
從之全乃合帳前忠義與已軍盡籍之而併統其軍壽  
邁不  
悟。

秋八月金將納哈塔祿格

舊作納合六哥  
今改後仿此

殺呼爾噶謀以

邳州降附金人殺之



呼爾噶御下嚴。邳州從宜經畧使納哈塔祿格殺之。遂據州反。與蒙古將李二措致書海州。言欲來附。李全麾下周岳得之以報全。全喜。遣王喜兒以兵二千應。按而巳。繼之二措納喜兒而囚之。全欲攻邳。四面阻水。二措積勁弩備之。全不得進。合兵索戰而敗。欲還楚州。會濱棣有亂。乃引兵趨青州。金行院總帥要赫德舊作牙吾答。今改。後仿此討殺祿格。復其城。

九月。庚子朔。日食。

冬十二月。以許國爲淮東制置使。

初。淮西都統許國奉祠家居。欲傾賈涉而代之。數言李全必反。涉卒會召國入對。國疏全姦謀益深。反狀已著。



金宣宗尚未至于脅懼在廷豈無一二親信大臣可預顧命而以傳位大事謀及婦人乎且既稱疾革妃嬪近侍亦何能盡離左右而止留一前朝年老夫人終夜侍側必無此情理況云龐貴妃陰狡機慧又安能受鄭氏之約而不之覺語更自相矛盾此必傳聞訛舛修史者益從而甚其辭斷非當時實事也

非有豪傑不能消弭。蓋自鬻也。遂易國文階爲淮東安撫制置使兼知楚州。命下。聞者驚愕。淮東參幕徐晞稷雅意開闢。及聞國用。乃注釋國疏以寄全。全不樂。

金主珣殂。子守緒立。是爲金哀宗。

金主疾革。時已暮夜。近臣皆出。惟前朝資政夫人鄭氏以年老侍側。金主知其可託。謂之曰。速召太子主後事。言絕而殂。夫人秘之。是夕。后妃問安寢閣。龐貴妃陰狡機慧。常以其子英王守純年長不得立。懷怨。鄭氏恐其爲變。卽給之曰。上方更衣。后妃可少休他室。伺其入。遽鎗之。急召大臣傳遺詔。立皇太子守緒。始啓戶出。后妃發喪。太子方入宮。英王已先至。太子知之。分遣樞密院



官及東宮親衛軍官伊喇豐阿拉

本契丹人。按伊喇豐阿拉。舊作移刺蒲阿。

今改集軍三萬餘于東華門街。部署既定。命護衛四人監

守純于近侍局。乃即位于樞前。

蒙古攻夏。夏主遵頊傳國于其子德旺。

遵頊自稱上皇。德旺改元乾定。未幾。遵頊卒。

德旺號之曰神宗。

甲申十七年。

金哀宗守緒正大元年。

春三月。召崔與之為禮部尚書。以

鄭損為四川制置使。與之辭不拜。

與之治蜀。將士輯睦。府藏充實。至是以疾歸。廣州蜀人

肖其像祠焉。

金使人來請和。

金主遣尚書令史李唐英至滁州通好。既而復遣樞密



判官伊喇豐阿拉率兵至光州。榜諭軍民。更不南侵。

秋閏八月。帝崩。史彌遠矯詔立沂王子貴誠。更名昀。是為理宗。

尊皇后為皇太后。同聽政。封皇子竑為濟王。出居湖州。

八月丙戌。帝不豫。史彌遠遣鄭清之往沂王府。告貴誠以將立之意。貴誠默不應。清之曰。丞相以清之從遊久。故使布腹心。今不答一語。則清之將何以答丞相。貴誠始拱手徐言曰。紹興老母在。清之以告史彌遠。益相與嘆其不凡。壬辰。帝疾篤。彌遠稱詔以貴誠為皇子。改賜名昀。授武泰軍節度使。封成國公。閏月丁酉。帝崩。彌遠遣皇后兄子谷。本開封人。字介之。居上虞。石。谷之弟。以廢立事白后。后不可。曰。皇子竑。先帝所立。豈敢擅變。谷等一夜七往返。



后終不許。谷等乃拜泣曰。內外軍民皆已歸心。苟不立之。禍變必生。則楊氏無噍類矣。后默然。良久曰。其人安在。彌遠卽于禁中遣快行宣昀。令之曰。今所宣是沂靖惠王府皇子。非萬歲巷皇子。苟誤。則汝皆處斬。皇子竝時聞帝崩。跣足以需宣召。久而不至。乃屬目牆壁間。見快行過其府而不入。疑焉。已而擁一人徑過。天瞋不知爲誰。甚惑之。昀入宮。見后。后拊其背曰。汝今爲吾子矣。彌遠引昀至樞前舉哀畢。然後召竝。竝聞命卽赴。至則每過宮門。禁衛拒其從者。彌遠亦引竝至樞前舉哀畢。引出帳。殿帥夏震守之。遂召百官立班聽遺制。則引竝至舊班。竝愕然曰。今日之事。我豈當仍在此班。震給之。



曰。未宣制前。當在此。宣制後。乃卽位。竑以爲然。已而遙見殿上燭影中。有人在御座。則時已卽位矣。宣制畢。閣門宣贊呼百官拜賀。竑不肯拜。震捽其首下拜。遂稱遺詔。以竑爲開府儀同三司。封濟陽郡王。判寧國府。尊楊皇后曰皇太后。垂簾同聽政。詔遵孝宗故事。宮中自服三年喪。尋進封竑爲濟王。出居湖州。

九月。詔傳伯成。

字景初。察之孫。

爲顯謨閣學士。楊簡。

字敬仲。慈谿人。

爲寶

謨閣學士。辭不至。

史彌遠欲收衆望。勸帝褒表老儒。遂詔傳伯成。楊簡及

柴中行。

字與之。餘干人。

俱奉朝請。伯成。簡。辭不至。

以真德秀直學士院。魏了翁爲起居郎。



真德秀初以宮講侍立即舉孝敬之旨相訓牘其意實為盡誠既而力求出外雖若愁然于茲然慮彌遠以爵祿相縻急為引避猶得去就之正及彌遠擅行廢立尤當去之唯恐不速況理宗既替竑而立不貳之節德秀豈未講求乃反應召而還從容入對復欲效忠于殿陛春秋之責備

初以德秀及禮部侍郎程秘

字懷古休寧人

吏部侍郎朱著

閩縣人

人綽之孫

並兼侍讀工部侍郎葛洪

字容父婺州東陽人

起居郎喬行

簡宗正少卿陳貴誼

字正甫福清人

軍器監王暨並兼侍講尋

又以德秀直學士院召魏了翁為起居郎

德秀之為起居舍人兼宮

講也言事不避權貴且惓惓于復讐知史彌遠欲以爵祿縻天下士慨然謂劉燭曰吾徒須急引去使廟堂知世有不肯為從官者遂力請外至是自知潭州召還入對勸帝容受直言召用賢臣固結人心為本帝開納之了翁當開禧初以武學博士召試學士院對策諫開邊事御史徐相劾了翁狂妄了翁亦以親老出知嘉定府尋築室白鶴山下以所聞于輔廣李燾者開門授徒士爭負笈從之由是蜀人盡知義理之學及為潼川轉運判官上疏乞與周敦頤張載程顥程頤錫爵定謚示學者趨向朝廷從之白鶴山亦名四明山在邛州西

追封希瓚為榮王以其子與芮襲封奉祀

帝追封所生父希瓚為榮王生母全氏為國夫人而以



固不能為得秀寬矣

弟與芮嗣之。

冬十月。金及夏平。

夏人自貞祐初與金以小故生釁。構難十年。一勝一負。遂至精銳俱盡。兩國皆弊。至是。夏遣其吏部尙書李仲諤修好于金。稱弟不臣。各用本國年號。金遣禮部尙書鄂吞良弼報之。

理宗皇帝

乙酉寶慶元年。

金正大二年。

春正月。湖州潘壬起兵。謀立濟王竑。

既而竑討壬。壬走。史彌遠矯詔殺竑。追貶為巴陵郡公。

湖州人潘壬與其從兄甫弟丙。以史彌遠廢立不平。欲奉濟王而立之。乃遣甫密告于李全。全欲坐視成敗。陽

濟王既身被黃袍。發軍資庫金犒兵。則非固執臣節。始終不從者矣。後知事不成。乃帥兵討壬。故變綱目。書法以示不盡予之意。



與之期日遣兵而實無意也。王等信之。遂部分其衆以待。及期。全兵不至。王等懼事泄。乃以其黨雜販鹽盜干餘人。結束如全軍狀。揚言自山東來。夜入州城。求濟王。王聞變。匿水竇中。王尋得之。擁至州治。以黃袍加王身。王號泣不從。王等彊之。王不得已。乃與約曰。汝能勿傷太后官家乎。衆許諾。遂發軍資庫金帛。會子犒軍。知州謝周卿率官屬入賀。王等乃僞爲李全榜揭于門。數史彌遠廢立罪。且曰。今領精兵二十萬。水陸並進。人皆聳動。比明視之。則皆太湖漁人及巡尉兵卒耳。王知事不成。乃遣王元春告于朝。而帥州兵討王。王變名走楚州。甫丙。首死。元春至行在。史彌遠懼甚。急召殿司將彭壬。



帥師赴之。至則事平矣。潘壬至楚州。將渡淮。爲小校明  
亮所獲。送臨安斬之。彌遠忌竑。詐言竑有疾。令余天錫  
召醫入湖州視之。天錫至。假稱諭旨。逼竑縊于州治。以  
疾薨聞。尋詔追貶爲巴陵郡公。又降爲縣公。改湖州爲  
安吉州。起居郎魏了翁。金部員外郎洪咨夔。相繼言竑  
陛下初膺大寶。不幸處人倫之變。有所未盡。流聞四方。  
所損非淺。雪川之變。非濟邸本志。前有避匿之迹。後聞  
捕討之謀。情狀本末。灼然可考。願詔有司。討論雍熙進  
封秦邸舍罪恤孤故事。斟酌行之。雖濟王未有子息。與  
滅繼絕。在陛下耳。帝曰。朝廷待濟王亦至矣。德秀曰。若  
謂此事處置盡善。臣未敢以爲然。觀舜所以處象。則陛  
下不及舜明甚。人主但當以二帝三王爲師。帝曰。一時  
倉卒耳。德秀曰。此已往之咎。願陛下進德修學。以掩前  
失。洪咨夔字舜俞。於潛人。雪川湖州有雪水。故名。元  
和志。雪水一名茗溪。源出天目山。逕湖州南。下流與餘  
不諸溪合。  
入太湖。



蒙古武仙殺史天倪。天倪弟天澤

字潤甫。秉直。季子。

討仙仙走西

山。天澤復入真定。

武仙聞彭義斌復山東州縣。乃叛蒙古。殺都元帥史天

倪。天倪弟天澤時護母歸燕。府僚王守道

元史作王縉。

追天

澤于道。告之故。且曰。變起倉卒。部曲散在近郊。若能返

旆。當不招自至。天澤曰。不共國之讐。死亦當往。況不死

邪。遂傾貲裝。易鎧仗。南還。行次滿城。得士馬甚眾。遣監

軍李伯祐詣國王博囉

穆呼哩之子。嗣爲國王。舊作李魯。今改。

言狀。且乞

濟師。博囉命天澤嗣兄河北西路都元帥。遣錫納台

圖伯

特克味

特氏按錫納台。舊作笑乃台。元史作省伯特克味特。舊作禿伯怯烈。今並改。

率銳卒

三千援之。合勢進攻仙仙。驍將葛鐵槍擁眾來拒。天澤



迎擊之。乘勝至中山。畧無極。

漢毋極縣。唐改無。今縣屬正定府。

拔趙州。

仙敗奔西山。天澤遂復真定。

已而武仙夜襲真定。史天澤奔藁城。未幾天澤以藁

城之兵入真定。擊仙。仙復走西山。藁城。漢縣。唐改藁平。宋復舊。今縣屬正定府。

二月。李全作亂。焚楚州。許國走死。以徐晞稷為制置使。撫

之。

許國至鎮。

李全妻楊氏郊逐國。辭不見。楊氏慙而歸。

既視事。痛抑北軍。有與

南軍競者。無曲直。偏坐之。犒賞十損八九。全自青州致

書于國。國誇于眾曰。全仰我養育。我畧示威。即奔走不

暇矣。全故留青州。國不能致。乃數致厚餽。邀全還。劉慶

福亦使人覘國意向。國左右語覘者曰。制置無害汝等

意。慶福以報全。全集將校曰。我不參制闕。則曲在我。今



不計生死必往。遂還楚州。上謁賓贊戒全曰。節使當庭

參制使必免禮。及庭趨。國端坐納全拜。不爲止。全怒。退

全歸本朝。拜人多矣。但恨汝非文臣。本與我等汝向以

淮西都統謁賈制帥亦免汝拜。汝有何勲業。一旦位我

上。便不相假借邪。全國繼設盛會宴全。遣勞加厚。全終

赤心報朝廷。不反也。不樂慶福謁國之幕客章夢先。夢先令隔幕貌喏。慶福

亦怒。旣而全欲往青州。恐國苛留。自計曰。彼所爭者拜

耳。拜而得志。吾何愛焉。更折節爲禮。因會集間。出劄白

事國見其細故。判從之。全卽席再拜謝。自是動息必請。

得請必拜。國大喜。語家人曰。吾折伏此虜矣。全往青州。

尋遣慶福還楚。爲節使城外以挫北人之心。全妻楊氏及

軍校留者懼其謀已。內自爲備。適湖州潘王事敗。全黨

益不安。或教楊氏畜一妾男子。指謂人曰。此宗室也。且

賊敢于仇殺制使宜聲  
討之所必加彌遠乃欲含  
忍苟安求能得賊歡心之  
徐晞稷以代節制庸懦候  
國罪不容誅及全上表待  
罪理宗亦竟置之不問其  
脅弱無能更可概見矣若  
晞稷之苟賤無恥甘心尊  
賊以自卑羞朝廷而釀賊

語僚佐曰。會令汝爲割土。潛約盱眙四軍爲應。盱眙四  
將不從。于是慶福謀中輟。止欲快意于國。計議官苟夢  
玉知之。以告國。國曰。但使反。反卽殺我。豈文儒不知兵  
者邪。夢玉懼禍及。求檄往盱眙。復告慶福曰。制使欲圖  
汝。兩爲自結之計。及是。國晨起視事。忽露刃充庭。客駭走。國厲  
聲曰。不得無禮。矢已及額。流血蔽面而走。亂兵悉害其  
家。大縱火焚官寺。兩司積蓄盡爲賊有。親兵數十人翼  
國登城樓。縋城走。伏道堂中宿焉。是日。慶福首殺夢先。  
以報其辱。明日。國縊于途。事聞。史彌遠懼激他變。欲事  
含忍。以徐晞稷嘗倖楚守海。得全歡心。乃授晞稷制使。  
令屈意撫全。全聞國死。自青州還楚。佯責慶福不能彈  
壓。致忠義之鬪。斬數人。上表待罪。朝廷不問。知揚州趙  
范得制置使印于潰卒中。以授晞稷。晞稷至楚。全及門。



勢不足齒於人數紀綱  
劉若此何以爲國

下馬拜庭下。晞稷降等止之。賊衆乃悅。晞稷至以恩府

稱全恩堂稱楊

氏而手足  
倒置矣。

三月葬永茂陵。

在會稽縣東南寶山。

史臣曰。寧宗初年。召用宿儒。引拔善類。其政可觀。中更韓侂胄。內蓄羣姦。指正爲僞。外挑疆鄰。流毒淮甸。函首求成。國體虧矣。及史彌遠擅權。幸帝耄荒。竊弄威福。至于皇儲國統。亦得乘機伺間。遂其廢立之私。他可知矣。

夏四月。太后以疾罷聽政。

五月。李全襲彭義斌于恩州。義斌敗之。

許國旣死。李全牒彭義斌于山東曰。許國謀反。已伏誅矣。兩軍並聽我節制。義斌大罵曰。逆賊背國厚恩。擅殺制使。我必報此讐。乃斬齎牒人。南向告天誓衆。見者憤激。五月。全自青州攻東平。不克。乃攻恩州。義斌出兵與

戰全敗走。獲其馬二千。劉慶福引兵救全。又敗。全退保山峒。抽山陽忠義軍以北。楊氏及劉全皆欲親赴難。會全遣人求徐晞稷書。與義斌連和。乃止。義斌致書沿江制置使趙善湘。字清臣。漢安懿王五世孫。曰。不誅逆全。恢復不成。但能遣兵拒淮。進據漣海。以蹙之。斷其南路。此賊必擒。賊平之後。收復一京三府。然後義斌戰河北。盱眙諸將。襄陽騎士。戰河南。神州可復也。盱眙四總管。亦各遣使致書。乞助討賊。知揚州趙范亦以爲言。史彌遠令諭范。無出位專兵。各享安靜之福。范復以書力論之。彌遠不聽。六月。加史彌遠太師。封魏國公。

彌遠辭太師。許之。



彭義斌圍東平。嚴實請和。秋七月。義斌徇真定。實以蒙古兵來襲。義斌死之。京東州縣盡陷。

義斌既克山東。復納李全降兵。兵勢大振。遂圍東平。嚴

實潛約蒙古將博勒和

舊作字里海。今改。

合兵攻之。兵久不至。

城中食盡。乃與義斌連和。義斌亦欲藉實取河朔。而後

圖之。遂以兄禮事實時實眾尙數千。義斌不之奪。而留

所掠實青崖之家屬不遣。七月。義斌下真定。道西山。與

博勒和等軍相望。義斌分實以帳下兵。陽助而陰伺之。

實知勢迫。即赴博勒和軍與之合。遂及義斌戰于內黃

之五馬山。

在內黃縣西。

義斌兵潰。史天澤以銳卒畧其後。遂

擒義斌。說之降。義斌厲聲曰。我大宋臣。義豈爲他臣屬。

理宗在位甚久。政無足紀。後人或許其能推崇理學。爾時內外政紀要於此者多矣。乃無一整飭。徒慕虛名。毫無實濟。則亦烏足稱道。况祇褒贈已往之程朱。而不用現在之真魏。卽所謂推崇理學。又與葉公之好龍。何以異哉。

邪。遂死之。于是京東州縣。復爲實有。實所統有全魏。十分齊之三。魯之九。凡五十四城。後又割大名。彰德外屬。而益以德充。濟單。四州。時所在殘毀。獨實所統治安。四方之民爭赴之。

贈張九成官爵。錄程頤後。

帝以九成正色立朝。有中興明道之功。贈太師。追封崇

國公。

諡文忠。

九成研思經學。多所訓解。然早與學佛者游。

故議論多偏。尋又詔求程頤後。得四世孫源。以爲籍田令。

以梁成大

字謙之。福州人。

爲監察御史。罷直學士院。真德秀。金部

員外郎。洪咨夔。



時論濟王事者衆。史彌遠患之。成大以知縣秩滿待選。

諂事彌遠家幹者萬昕。昕一日言真德秀當逐。成大曰。

某若入臺。必能辦此事。昕爲達其語。遂擢御史。成大因

與莫澤李知孝。字孝先。光之孫。共爲彌遠鷹犬。凡忤彌遠意者。

三人必相繼擊之。于是給事中王堅等。駁德秀所主濟

王贈典。莫澤等繼劾之。遂命提舉玉隆宮。谷夔亦言濟

王冤。成大等復交劾之。鑄二秩。由是名人賢士排斥殆

盡。人目成大。知孝與莫澤爲三凶。且謂成大爲成犬。

冬十月。蒙古主伐夏。取甘肅州。西京府十一月。取靈州。進

次鹽州川。

以西夏納仇人齊拉克和雙琨。舊作亦臘喇。翔昆。今改。及不入質。

子也。

以李知孝爲右正言。

知孝附史彌遠而忌真德秀。魏了翁之鯁直，乃上疏陰

詆之。

畧曰：士大夫汲汲好名，正救之力少，而附和沽激

之意多。扶持之意微，而詆訾扇搖之意勝。既慮君上之或不能用，又恐朝廷之或不能容，姑爲激怒之辭，退俟斥逐之命。始則慷慨而激烈，終則懇切而求去。將以樹奇節而立令名。此則臣之所未解也。踰月，復言。近年諸老凋零，後學晚出，不見前輩，不聞義理，不講綱常，識見卑陋，議論偏訛，更唱迭和，盡惑人心。此風披扇，遂爲害實深。乞下臣章，風厲內外，各務靖共，以杜禍萌。

進拜右正言。

貶魏了翁官，居之靖州，罷真德秀祠祿。

先是大理評事胡夢昱上書言：濟王不當廢，言甚切直。史彌遠諷李知孝劾之，除名編管象州。時魏了翁出關。



餞夢昱知孝遂指了翁首倡異論將擊之彌遠猶畏公

議外示優禮改權工部侍郎了翁力以疾辭乃出知常

德府

夢昱尋卒于貶所

越二日諫議大夫朱端常劾了翁欺世

盜名朋邪謗國德秀奏劄詆誣詔了翁落職奪三秩靖

州居住德秀落煥章閣待制罷祠知孝復上書乞追削

流竄德秀以正典刑梁成大亦奏了翁已從追竄人猶

以爲罪大罰輕德秀狂僭悖謬不減了翁相羊

同倘家

食宜削秩貶竄一等施行彌遠勸帝下其章帝曰仲尼

不爲己甚乃止成大貽書所親曰真德秀乃真小人魏

了翁乃僞君子此舉大快公論識者笑之

了翁至靖湖湘江浙之士

不遠千里負書從學乃著九經要義百卷訂定精密先儒所未有也德秀既歸浦城修讀書記語門人曰此人

君爲治之門。如有用我者。執此以往。

給京軍緡錢。

以雪寒。給在京諸軍緡錢有差。出戍之家倍之。自是慶祥災異。淫雨雪寒。咸給之。

蒙古使人如高麗。未至。盜殺之。

自是高麗與蒙古不通。

丙戌二年。金正大三年。春正月。贈陸九齡等官。錄張栻。呂祖謙。陸

九淵後。

詔贈陸九齡直秘閣。諡文達。沈煥。字叔晦。定海人。直華文閣。諡端憲。

錄張栻。呂祖謙。陸九淵子孫官各有差。沈煥。九淵門人。人品高明。不苟

自恕。常曰。晝觀諸妻子。夜卜諸夢寐。兩者無愧。始可以言學。仕終舒州通判。



趙普首渝金匱之盟。王旦  
苟徇天書之舉。豈可以冠  
韓富司馬諸臣。且張俊之  
狠。使史浩之庸。柔更無足  
取。此皆史彌遠欲尊崇其  
父。以焜耀一時。故爲此徇  
名失實之舉耳。

三月。建昭勲崇德閣。

趙普。曹彬。薛居正。石熙載。潘美。李沆。王旦。李繼隆。王曾。呂  
夷簡。曹瑋。韓琦。曾公亮。富弼。司馬光。韓忠彥。呂頤浩。趙鼎。  
韓世忠。張俊。陳康伯。史浩。葛邲。後益以趙汝愚。凡二十四  
人。皆圖形其上。

蒙古圍李全于青州。

全北剽山東。挾朝廷以疑蒙古。蒙古攻之。全大小百戰。終  
不利。嬰城自守。蒙古築長圍。夜布狗砦。全糧援路絕。與兄  
福謀。福曰。二人俱死。無益也。汝身係南北輕重。我當死守。  
孤城。汝間道南歸。提兵赴援。可尋生路。全曰。數十萬勦敵。  
未易支也。全朝出。城夕陷。不如兄歸。于是全留。福遂先。

秋七月。夏主德旺以憂卒。弟子覲立。

蒙古主入夏。城邑多降。德旺憂悸而卒。國人立覲。號德旺日

獻宗

八月。金置益政院說書。

金主詔設益政院于內廷。以禮部尚書楊雲翼字之美贊皇人

家樂平等為說書官。雲翼天性雅重。博學能文。明于政事。

直言敢諫。與翰林學士趙秉文字周臣。磁州滏陽人。同為時所重。

徐晞稷罷。以劉瑋為淮東制置使。

朝廷聞李全為蒙古所圍。稍欲圖之。以晞稷畏懦。謀易

帥。劉瑋雅意建閫。使鎮江副都統彭忞延譽。忞亦垂涎

代瑋。從史尤力。故以瑋代晞稷。忞代瑋知盱眙。

淮亂方棘。非大有才略者。不能節制。如許國徐晞稷。劉瑋彭忞。姚神童皆以庸懦小人垂涎閫密朝廷。遂信而用之。卒致被殺被逐。被執其幸免者。惟以媚賊為長技。捐施顛倒如是安。



望其能靖賊患乎

冬十一月。盱眙忠義夏全作亂。逐劉瑄。以衆降金。

瑄至楚州。心知不能制。馭盱眙四總管。惟以鎮江兵三萬自隨。夏全請從。瑄素畏其狡。不許。彭忬自以資望視瑄更淺。曰。瑄止夏全。是欲遺患盱眙。瑄猶憚夏全。我何能用。乃激夏全曰。楚城賊黨不滿三千。健將又在山東。劉制使圖之。收功在旦夕。太尉曷不往赴事會。夏全忻然。帥兵徑入楚城。時青亦自淮陰入屯城內。瑄駭懼。時傳李全已死。李福欲分兵赴青州。瑄令夏全盛陳兵楚城。李全之黨震恐。李全妻楊氏。使人行成于夏全。謂曰。非山東歸附邪。狐死兔悲。李氏滅。夏氏寧獨存。願將軍垂助。全諾。楊氏盛飾出迎。與按行營壘。曰。人傳三哥死。吾婦人安能自立。便當事太尉爲夫。子女玉帛。干戈倉廩。皆太尉有望。卽領此。誠無多言也。夏全心動。乃置

酒歡甚。飲酣。就寢如歸。

于是轉讐爲好。反與福謀逐瑄。遂圍楚州。

治焚官民舍。殺守藏吏。取貨物。時瑄精兵尙萬人。窘束不能發一令。太息而已。夜半。瑄絕城。僅以身免。鎮江軍與賊戰。死者大半。將校多死。器甲錢粟悉爲賊有。瑄步至揚州。借兵自衛。夏全旣逐瑄。暮歸李全營。楊氏拒之。全恐楊氏圖已。因大掠趨盱眙。欲爲亂。盱眙將張惠范成進閉城門。夏全不得入。狼狽降金。朝廷聞之大恐。瑄自劾。未幾死。

丁亥三年。

金正大四年。

春正月。以姚翀爲淮東制置使。

朝廷以姚翀嘗與李全交驩。故命之。翀朝辭。帝謂曰。南北皆吾赤子。何分彼此。卿其爲朕撫定之。翀至楚城東。



艤舟以治事。間入城。見李全妻楊氏。用徐晞稷故事。而禮過之。楊氏許翀入城。翀乃入。寄治僧寺中。極意娛之。贈朱熹太師信國公。

熹先謚曰文。至是。詔曰。朕觀朱熹集註大學論語孟子中庸。發揮聖賢蘊奧。有補治道。朕勵治講學。緬懷典刑。可特贈熹太師。追封信國公。踰月。熹子工部侍郎在入對。言人主學問之要。帝曰。先卿中庸序言之甚詳。朕讀之不釋手。恨不與之同時也。紹定中。改封徽國公。

夏五月。李全以青州降蒙古。

全被圍一年。食牛馬及人且盡。將自食其軍。全欲降。懼衆異議。乃焚香南向再拜。欲白經。而使其黨鄭衍德田

四救已。曰。譬如爲衣。有身愁無袖邪。今北歸未必非福。全乃降于蒙古。

蒙古遣使責歲幣于金。

六月戊申朔日食。

楚州忠義李福作亂。逐姚翀。詔以統制楊紹雲兼淮東制置使。改楚州爲淮安軍。

劉慶福在山陽。自知已爲厲階。懷不自安。欲圖李福以贖罪于朝。福知之。亦謀殺慶福。于是二人互相猜忌。不復相見。一日福僞稱疾。不出旬餘。慶福往候之。福乃躍起。拔刀傷慶福。慶福走。左右殺之。福以慶福首納于姚翀。翀大喜。時楚州自夏全之亂。儲積無餘。綱運不續。賊



應爲江之捍蔽已不宜輕棄况有叛則常討帥非其人則常憤擇而易置可以一時變亂遂不復建國視若羈縻因噫廢食宋政之不綱亦已甚矣

黨籍籍謂福所致福畏衆口數見狎促之狎謝以朝廷撥降未下至是福乘衆怒與李全妻楊氏謀召狎飲狎至而楊氏不出就坐賓次左右散去福兵欲害狎鄭衍德救之得免去鬚髯縋城夜走歸明州死朝廷以淮亂相仍遣帥必斃始欲輕淮而重江楚州不復建國就以其帥楊紹雲兼制置改楚州爲淮安軍命通判張國明權守視之若羈縻州然

金遣使請和于蒙古

蒙古主滅夏以夏主覲歸

夏自元昊稱帝至覲亡凡十主合二百一年

蒙古主盡克夏城邑其民穿鑿土石以避鋒鏑免者百

無一二白骨蔽野蒙古主避者于六盤山

在見前踰月夏

主覲力屈出降。遂縶以歸。夏亡。

時諸將爭掠子女財物。耶律楚材獨取書數部。

大黃兩駝而已。既而軍士病疫。惟得大黃可愈。楚材用之。所活萬人。

秋七月。張林等歸淮安。討李福。斬之。

李全之黨以贍軍錢糧不繼。屢有怨心。全將國安用。閻通。歎曰。我曹米外日受銅錢二百。楚州物賤。可以樂生。而劉慶福爲不善。怨讐相尋。使我曹無所衣食。時張林。邢德亦在楚。自謂嘗受朝廷恩。中遭全閹貳。今歸于此。豈可不與朝廷立事。王義深嘗爲全所辱。五人相謂曰。朝廷不降錢糧。爲有反者未除耳。乃共謀殺李福。及全妻楊氏以獻。遂帥衆趨楊氏家。福走出。邢德手刃之。相屠者數百人。有郭統制者。殺全次子通。及全妾劉氏。妾



稱楊氏函其首并福首獻于楊紹雲紹雲馳送臨安傾朝皆喜。

詔知盱眙軍彭忞及時青經理淮東八月忞將張惠等執忞以盱眙降金。

彭忞輕儇無決坐失事機共過固不待言若時青不過紅襖賊魁降金復叛歸宋始終一進退無據之人耳有何重望而朝議忽而檄忞忽而檄青致使諸將離心釀成事故青之畏首畏尾密報李全遷延不出適以自殺其軀無足深責而宋之君臣瞶昧無知欲完顏鄂和戍之。

弭亂而轉以速亂果何所  
見而成此大錯邪

蒙古以李全行省事于山東淮南全自青州復入淮安殺  
張林。

全得時青報慟哭力告蒙古大將求南還不許全因斷  
一指以示之誓還南必叛蒙古大將乃承制授全山東  
淮南行省得專制山東歲獻金幣全遂與蒙古張宣差  
及通事數人還楚州服蒙古衣冠文移紀甲子而無年  
號楊紹雲聞其至遂留揚州不還王義深奔金國安用  
殺張林邢德以自贖郭統制亦爲全所殺旣而全誘殺  
時青併其衆

冬十二月金封李全爲淮南王全不受。

時全敗完顏鄂和于龜山故也。



蒙古兵入關外

謂大散關以外

諸隘四川制置使鄭損棄三關

方

紀要此三關謂陽平白水仙人也漢中西面之險以三關為最考陽平關在漢中府寧羌州東北古陽安關地六朝以後謂之陽平非三國時白馬城之陽平關也注已詳前白水關在寧羌州西南與四川昭化縣接界仙人關注見前逃歸

先是蒙古自鳳翔侵京兆入之關中大震及是蒙古復

以兵破關外諸隘至武階

注見前

鄭損棄沔州

宋開禧中置今漢中

府畧陽縣是

而遁于是三關不守時金人盡棄河北山東關

陝唯併力守河南保潼關自洛陽三門

注見前

析津

即禹貢析

城山在今澤州府陽城縣西南

東至邳州之源雀鎮

在邳州東北

東西二千

餘里立四行省帥精兵二十萬以守禦之議者乞謹邊

備以防南侵帝命樞臣采其計

蒙古主特穆津殂于六盤山。少子圖類監國。

蒙古主在六盤山。病革。謂左右曰。金精兵在潼關。南據連山。北限大河。難以遽破。若假道于宋。宋金世讐。必能許我。則下兵唐鄧。直擣大梁。金急。必徵兵潼關。然以數萬之衆。千里赴援。人馬疲弊。雖至弗能戰。破之必矣。言訖而殂。年六十六。葬起輦谷。廟號太祖。起輦谷在漠外。方輿紀要。元諸帝皆葬此。不加築爲陵。第

四子圖類監國。

史臣曰。元太祖深沉有大畧。用兵如神。故能滅國四十。遂平西夏。其奇勲偉績甚衆。惜乎當時史官不備。或多失于紀載云。

蒙古入西和州。知州事陳寅

寶謨閣待制咸之子。死之。

蒙古兵薄西和城。寅率民兵晝夜苦戰。援兵不至。城遂



破寅謂妻杜氏曰。若速自爲計。杜厲聲曰。安有生同君  
祿。死不共王事者。卽飲藥自殺。二子及婦俱死母旁。寅  
斂而焚之。乃自伏劍死。賓客同死者二十八人。事聞。贈  
右文殿

修撰。諡  
襄節。

戊子

紹定元年。

金正大五年。

春三月。金將完顏禪華善。

名彝。字良佐。世以小

子行。豐州人。舊作陳和尙。今改。

大敗蒙古兵于大昌原。

在慶陽府寧州東南。宋史地理志。寧

州定。干有  
大昌鎮。

蒙古兵入大昌原。金平章政事完顏哈達問誰可爲前  
鋒者。忠孝軍提控完顏禪華善出應命。許之。禪華善卽  
擐甲上馬。以四百騎大敗蒙古八千之衆。士氣皆倍。蓋  
自有蒙古之難。二十年間。始有此捷。奏功第一。名震國

中授定遠大將軍。世襲穆昆。忠孝一軍。皆回紇奈曼羌  
渾。及中原被俘。避罪來歸者。驚狼難制。禪華善御之。有  
方。坐作進退。皆中程式。所過州邑。秋毫無犯。每戰則先  
登陷陣。諸軍倚以為重。已而禪華善復敗蒙古于衛州。  
在正大六年。後又敗蒙古蘇布特。蒙古烏梁海人。按蘇布特。舊作速不臺。烏梁海。舊作兀良合。于倒回谷。在正大八年。倒回谷。在西安府藍田縣七盤山。舊志。唐貞元中。刺史李西華。以七盤山路險峻。開新道七百里。回山取途。故有倒回之名。

夏六月壬寅朔日食。

冬十一月雷。

巳二年。金正大六年。蒙古秋八月。蒙古諤格德依立。是為

元太宗。



諤格德依自和博

在和林北舊作霍博今改

之地來會喪耶律楚材

以太祖遺詔召諸王畢會請立諤格德依時圖類監國

諸王意猶豫未決楚材言于監國曰此社稷大計若不

早定恐生他變監國乃與諸王奉諤格德依卽位于和

林東奎騰阿嚕

在和林東舊作庫鐵烏阿刺里今改

之地時庶事草創儀

制簡率楚材始定冊立禮儀俾皇族諸王尊長皆就班

列以拜又中原新定未有號令長吏皆得自專生殺稍

有忤意刀鋸隨之至有全家被禍者楚材以爲言命禁

絕之

冬十二月蒙古始定算賦

中原以戶西域以丁蒙古以牛馬羊

蒙古以史天澤等為萬戶。分守中原。

蒙古主以史天澤劉哈瑪爾。

本名巖字孟方。濟南人。舊作黑馬。今改。蕭札

拉為萬戶。分統漢兵。真定。河間。大名。東平。濟南。五路。隸

天澤。平陽。宣德等路。隸哈瑪爾。

庚寅三年。金正大七年。春。二。月。起。復。趙。范。趙。葵。節。制。鎮。江。滁。州。軍。馬。

范葵時丁母憂。求解官。不許。乃卒。哭。俱。復。視。事。

蒙古立十路課稅所。

初。蒙古太祖征西域。倉庫無斗粟尺帛之儲。于是羣臣咸言。雖得漢人。亦無所用。不若盡殺之。使草木暢茂。以爲牧地。耶律楚材曰。夫以天下之廣。四海之富。何求而



不得。但不爲耳。誠均定中原地稅。商稅。酒醋。鹽鐵。山澤之利。周歲可得銀五十萬兩。絹八萬疋。粟四十餘萬石。何爲無用哉。太祖曰。誠如卿言。則國用有餘矣。卿試爲之。至是。楚材奏立十路課稅所。設使副二員。悉用士人。楚材因進說周孔之教。且謂天下雖得之馬上。不可以馬上治。蒙古主深然之。由是文臣漸進用矣。

夏五月。以李全爲彰化保康節度使。京東鎮撫使。全不受命。遂罷知揚州翟朝宗。

全自還楚。卽厚募人爲兵。不限南北。全知東南利舟楫。謀習水戰。米商至。悉併舟糴之。留其舵工。以一教十。又遣人泛江湖市桐油黏筏。厚募南匠。大治舳艫船。自淮

李全屢作不靖戕害朝臣  
叛跡久已彰著且既降蒙  
古卽非宋臣授以節鎮已  
爲失策及予而不受更非  
爵祿可餌而其不臣之跡  
彌復顯然尙安得爲恭順  
乃爲其外飾之貌所愚遣  
餉不絕轉冀少寬北顧之  
憂宋室君臣何蒙憐乃爾  
廣益糧而屬賊鋒軍士幾  
因解體使非趙范趙葵力  
主進攻准亂其何能已乎

口及海相望時時試舟于射陽湖在淮安府阜寧縣北與鹽城實應分界卽古射陂也及海洋復以糧少爲辭遣海舟自蘇州洋入平江嘉興告糴實欲習海道以覘畿甸然以山東經理未定而歲貢蒙古者不可缺故外恭順朝廷以就錢糧因以貿易輸蒙古朝廷亦以全往來山東得以少寬北顧之憂遣餉不絕全因縱遊說于朝復請建閘山陽又遣使人金且欲銷朝廷兵備乃遣軍士穆椿潛入京師皇城縱火焚御前軍器庫于是先朝兵甲盡喪全欲先據揚州以渡江分兵徇通泰以趨海其下皆曰通泰鹽場在焉莫若先取爲家計且使朝廷失鹽利全欲朝廷不爲備且雖反不敢遽絕其給乃挾蒙古李宣差宋宣差以洞疑虛喝而蒙古實未嘗資全兵其李宣差則青州賣藥人也朝廷雖知其姦姑事苟安不之詰及全糴麥舟過鹽城漢鹽



濱縣。晉改鹽城。知揚州翟朝宗。嗾尉兵奪之。全怒。以捕

今縣屬淮安府。

盜爲名。水陸數萬。徑擣鹽城。戍將陳益樓彊。知縣陳遇。

皆遁。全入城據之。朝宗倉皇遣幹官王節懇全退師。全  
不許。留鄭祥。董友。守鹽城。而自提兵還楚州。以狀白于  
朝。曰。遣兵捕盜。過鹽城。縣令自棄城遁去。慮軍民驚擾。  
不免入城安衆。朝廷乃授全節鉞。令釋兵。命制置司幹  
官往諭之。全曰。朝廷待我如小兒。啼則與果。不受制命。  
朝廷爲罷朝宗。命通判趙璈。夫攝州事。趙范。趙葵。深以  
全必反爲慮。累疏力言之。史彌遠不納。

秋八月。蒙古史天澤攻武仙于汲。仙敗走胡嶺關。

在懷慶府濟源。

縣西亦名虎嶺關。

先是天澤擊仙。仙自西山敗走汲縣。

金史作仙走汴京。與此異。

金復

封仙爲恒山公。置府衛州。至是天澤合諸軍圍之。金將

完顏哈達率衆來援。蒙古諸軍皆北。天澤獨以千人繞

出其後。諸軍合攻之。仙逸去。屯胡嶺關。天澤遂取衛州。

冬十月。以趙善湘爲江淮制置使。

李全造舟益急。招沿海亡命爲水手。又給趙璚夫。以蒙

古爲辭。邀增五千人錢糧。求書鐵券。朝廷猶遣餉不

絕。全得米。卽自轉輸淮海。入鹽城。以贍其衆。他軍士見

者曰。朝廷惟恐賊不飽。我曹何力殺賊。射陽湖人至有

養北賊戕淮民之語。聞者太息。時史彌遠多在告。諸執

政又不以爲意。獨鄭清之深憂之。力勸帝討全。帝乃以



趙善湘制置江淮。許便宜從事。然猶有內圖進討外用調停之說。惟趙范趙葵兄弟力請進兵討之。

蒙古主帥衆入陝西。金以完顏哈達伊喇豐阿拉行省事于闐鄉以備潼關。

初。蒙古使翁郭羅。

舊作幹骨。今改。

至陝西議和。金行省伊喇

豐阿拉赫舍哩要赫德等懼其泄事機。留之。已而蒙古

圍慶陽。豐阿拉擊敗之。圍遂解。豐阿拉志意驕滿。乃遣

翁郭羅還。謂之曰。我已準備軍馬。能戰則來。翁郭羅見

蒙古主白之。蒙古主怒。卽與弟圖類師衆入陝西。翱翔

京兆同華之間。破諸山寨六十餘所。遂趨鳳翔。金以

平章政事完顏哈達及伊喇豐阿拉行省闐鄉以備之。

十二月李全寇揚州趙范趙葵會師擊敗之。

全突至揚州灣頭。

卽茱萸灣亦曰東塘注見前

揚州副都統丁勝拒

之全乃攻城南門趙璣夫得史彌遠書許增萬五千名

糧勸全歸楚州卽遣劉易就全壘示之全笑曰丞相勸

我歸丁都統與我戰非相給邪擲書不受璣夫恐亟發

牌印迺趙范于鎮江范亦刻日約葵葵帥雄勝寧淮武

定強勇四軍萬四千赴之時全引兵攻泰州知州宋濟

迎降全入坐郡治盡收其子女貨幣將趨揚州聞范葵

已入揚城

全鞭鄭衍德曰我計先取揚州渡江爾曹勸我取通泰今二趙已入揚州矣江其可渡邪

旣而曰今惟有徑擣揚州耳

遂分兵守泰而悉衆攻揚州至灣頭立

砦據運河之衝使胡義將先鋒駐平山堂以伺三城

舊志



周顯德中克揚州。韓令坤以故城大難守。于城東南隅築小城以治。已而李重進改築于故城之南。謂之西城。宋紹興中。郭棣知揚州。以重進所築處勢卑濶。復就故城遺址。建築大城。所謂三城也。機便。全攻

東門。葵親搏戰。全將張友呼城門請葵出。葵出。與全隔濠立馬相勞苦。問全來何爲。全曰。朝廷動見猜疑。今復絕我糧餉。我非背叛。索錢糧耳。葵曰。朝廷待汝以忠臣孝子。而乃反戈攻陷城邑。朝廷安得不絕汝錢糧。汝云非叛。欺人乎。欺天乎。全無以對。彎弓抽矢。向葵而去。自是屢戰。全兵多敗。宗雄武獻策曰。城中素無薪。且儲蓄爲總領所支借殆盡。若築長圍。三城自困。全乃悉衆。及驅鄉農凡數十萬。列砦圍三城。制司總所糧援俱絕。范葵命三城諸門各出兵劫寨。舉火爲期。夜半縱兵衝擊。

蠟賊甚衆。自是全一意長圍。以持久困官軍。不復薄城。全張蓋奏樂于平山堂。布置築圍。范令諸門以輕兵牽制。親帥將士出堡砦西攻之。全分兵諸門鏖戰。自辰至未。殺傷相當。明日。范出師大戰。獲全糧數十艘。葵亦戰敗之。

詔史彌遠十日一赴都堂治事。

立皇后謝氏。

天台人。故相深甫之孫。

后父渠伯早世。產業破壞。后躬親汲飭。帝卽位。議擇中

宮。楊太后以謝深甫有援已功。

楊后立于寧宗嘉泰二年。時深甫爲丞相。然宋

史楊后及深甫傳俱不言援立之事。惟謝后傳載之。今依續綱目從謝后傳輯。

命選謝氏女。謝

氏獨后在室。

后生而鰥黑。翳一目。兄弟欲納入宮。諸父裨伯不可。曰。卽奉詔納女。當厚奉資裝。吳

人之妍媸好醜。皆有一定。雖榮枯肥瘠。或有時變更。其本質終不能易也。顰黑



之人因病而膚蛻如玉乃  
聖所必無好事者作此謬  
語以後異徵史家誤信而  
書之簡冊不值一噓也

時不過一老宮婢事奚益會元夕縣有鵲來巢燈山眾  
以為后妃之象樺伯不能止乃共送后就道后旋病疹  
良已膚蛻瑩白如玉醫又藥去翳遂與賈涉女同入宮賈女有殊色帝

欲立之太后曰謝女端重有福宜正中宮左右亦相竊

語曰不立真皇后乃立假皇后邪帝不能奪賈妃專寵

後宮后處之裕如不以介懷太后益賢之帝禮遇日加

辛卯四年

金正大八年

春正月趙范趙葵大敗李全于揚州城下

全走死新塘

在揚州府城北上接雷塘下達運河

全浚圍城塹范葵遣諸將出揚州東門掩擊全走土城

官軍躡之蹂溺甚眾范陳于西門賊閉壘不出葵曰賊

俟我收兵而出爾乃伏騎破垣間收步卒誘之賊兵數

千果趨濠側李虎力戰城上矢石如雨注賊退有頃賊

別隊自東北馳至。范葵揮步騎夾浮橋。弔橋並出。爲三迭陳以待之。自己至未。與賊大戰。別遣虎等以馬步五

百出賊背。而葵率輕兵橫衝之。三道夾擊。賊敗走。

始全反謀

已成。然多顧忌。且懼其黨不順。而邊陲喜事者欲挾全爲重。遂贊成之。故全決計反。及趙善湘趙范趙葵用事。聲罪致討。罷支錢糧。攻城不得。欲戰不利。全始大悔。已而置酒高會于平山堂。有

堡塞。候卒識全。槍垂雙拂爲號。以告范。范喜。謂葵曰。此

賊勇而輕。若出必成擒矣。乃悉精銳數千而西。取官軍

素爲賊所易者。張其旗幟以誘之。全望見。突鬪而前。范

麾兵並進。葵親搏戰。諸軍爭奮。賊始疑非前日軍。欲走

入土城。李虎軍已塞其甕門。全窘。從數十騎北走。葵率

諸將以制勇。寧淮二軍蹙之。全趨新塘。新塘淖深數尺。



會久晴。浮戰塵如燥壤。全騎過之。皆陷淖中。不能自拔。制勇軍追及。奮長槍三十餘亂刺之。全呼曰。無殺我。我乃頭目。羣卒捽其尸。而分其鞍馬器甲。并殺三十餘人。皆將校也。全死。餘黨欲潰。國安用不從。議推一人爲首。莫肯相下。欲還淮安。奉全妻楊氏。范葵追擊。大破之。乃散去。范還揚州。捷聞。加趙善湘江淮制置大使。范淮東安撫使。葵淮東提刑。善湘季子汝楬。史彌遠壻也。奏請無阻。而善湘亦以范葵進取有方。慰藉殷勤。故能成功。蒙古圍金鳳翔。夏四月。克之。

蒙古圍鳳翔府。金行省哈達。豐阿拉逗遛不進。金主遣樞密判官白華

字大舉。漢州人。

諭之。哈達。豐阿拉曰。北兵勢盛。

不可輕進。白華還。金主復遣諭以鳳翔圍久。恐守者不能支。可領軍出關。略與渭北軍交手。計北軍聞之。必當奔赴。少紓鳳翔之急。哈達。豐阿拉。乃始出關。行至華陰界。與渭北軍交戰。比晚。收軍入關。不復顧鳳翔矣。蒙古遂取鳳翔。哈達。豐阿拉。遷京兆民于河南。使完顏慶善努戍之。

五月。趙范。趙葵等收復淮安。

趙范。趙葵復帥步騎十萬攻鹽城。屢敗賊衆。遂薄淮安城。殺賊萬計。焚二千餘家。城中哭聲震天。五月。淮安五城此賊所築以屯兵者俱破。斬首數千。燒砦柵萬餘家。淮北賊歸赴援。舟師又勦擊。焚其水柵。夷五城餘址。賊始懼。王旻



趙必勝。全子才等。移砦西門與賊大戰。又破之。全妻楊氏謂鄭衍德曰。二十年梨花槍。天下無敵手。今事勢已去。撐拄不行。汝等未降者。以我在故耳。遂絕淮而去。其黨卽遣馮埒等納款軍門。趙范許之。淮安遂平。

國安用降蒙古。以爲山東路都元帥。

安用從李全妻楊氏走山東。降于蒙古。蒙古以爲都元帥。行省山東。

蒙古侵金。使綽布干

舊作速不罕。今改。

來假道。秋七月。至沔州。統

制張宣殺之。

初。金降人李昌國言于蒙古圖類曰。金遷汴將二十年。其所恃以安者。潼關黃河耳。若出寶雞以侵漢中。不一

月可達唐。鄧。大事集矣。圖類然之。至是。白于蒙古主。蒙古主乃會諸將。期以明年正月。合南北軍攻汴。遣圖類先趨寶雞。綽布干來假道于淮東。以趨河南。且請以兵會之。至汴州青野原。注見前。統制張宣殺之。圖類聞。綽布干死。曰。宋自食言。背盟棄好。今日之事。曲直有歸矣。

八月。蒙古圖類入武休。破興元。遂侵仙人關。注俱見前。

蒙古圖類分騎兵三萬。入大散關。攻破鳳州。徑趨華陽。

今漢中府洋縣北。有華陽山。元。鄒置華陽縣。以此名。後廢。屠洋州。攻武休。開生山。截

焦崖。棧道名。與程記連。雲棧有焦崖鋪。出武休東南。遂圍興元。軍民敗

走。死于沙窩者數十萬。分軍而西。西軍由別路入沔州。

取大安軍路。開魚鼈山。在寧羌州東南。撤屋為筏。渡嘉陵江。入



關堡並江趨葭萌略地至西水縣

後周縣元省故城在今四川保寧府閬中

縣破城寨百四十而還東軍屯于興元洋州之間以趨

饒風關

注亦見前

蒙古主以耶律楚材爲中書令

楚材奏諸路州縣長吏專理民事萬戶府專總軍政課稅所專掌錢穀各不相統攝著爲令蒙古主至雲中諸路所貢課額銀幣及倉廩物料文簿具陳于前悉符楚材元奏之數笑曰卿何使錢幣流入如此卽日授以中書省印俾領其事事無巨細一以委之

九月太廟火

丙戌夜臨安火延及太廟三省六部御史臺秘書省上

牒所。惟丞相史彌遠府獨存。蓋殿帥馮梈率衛卒力救之也。帝素服減膳徹樂。宰執降官封一等。太常少卿度正。國史院編修官李心傳。上疏言。宗廟之制。未合于古。茲緣災異。宜舉行之。詔兩省侍從臺諫集議之。遂求直言。籍田令徐清叟上疏。乞為濟王置後。以和異氣。帝不省。度正字周卿。合州人。李心傳字微之。舜臣之子。徐清叟字真翁。應龍之子。

### 蒙古攻金河中取之

蒙古主圍河中急。金完顏慶喜努棄京兆東還。簽樞草

火鄂和二帥板子鄂和

俱內族。一得賊。好以草火燒之。一嘗誤呼宮中牙牌為板子。人

以其同。時同名。故懼城大而軍力不足。截故城之半以

守。蒙古築松樓高二百尺。下瞰城中。土山地穴百道並

進。晝夜力戰。樓櫓俱盡。白戰又半月。力竭城破。草火鄂



和猶親搏戰數十合。始被擒就死。板子鄂和以敗卒三千。奪船走閬鄉。初。板子鄂和在鳳翔。爲監戰。奉御祿爾舊作六兒。今改。後仿此。所制。有隙。及收河中總帥。同赴召。祿爾遂譖鄂和奉旨防秋。畏怯違避。金主信之。至是。怒其不能死節。因杖殺之。

冬十月。蜀口諸郡降于蒙古。

四川制置使桂如淵逃歸。詔以李璫爲四川制置使。知

成都府。趙彥呐

字敏若。彭州人。

副之。知興元府。初。彥呐治西和

五年。安丙待之甚厚。崔與之以彥呐大言無實。必誤國事。不可付以邊閫。朝廷不從。

蒙古伐高麗。

以其殺使者珠古舊作著。古。今改。也。

十一月。蒙古圖類入饒風關。十二月。渡漢江。金完顏哈達

伊喇豐阿拉。自順陽

漢侯邑。晉置郡。宋為縣。元省。故城在今南陽府淅川縣。

還鄧州

蒙古追之。獲其輜重。

圖類攻饒風關。入之。由金州而東。將趨汴京。民皆入保

城壁險阻以避之。金主召宰執臺諫入議。皆曰。北軍冒

萬里之險。歷二年之久。方入武休。其勞苦已極。為吾計

者。以兵屯睢。鄭。昌武。

今河南許州。金為昌武軍節度使。

歸德。金改宋應天府為歸

德府。今府屬河南。

及京畿諸縣。以大將守洛陽。潼關。懷孟等處。

嚴兵備之。京師積糧數百萬斛。令河南州郡堅壁清野。

彼欲攻不能。欲戰不得。師老食盡。不擊自歸矣。金主太



截江與戰僅能拒而不能  
攻固不若縱之渡而後擊  
可以出奇制勝然當乘方  
渡之時攻其無備如迅雷  
之不及掩耳其勢固不容  
髮乃哈達豐阿拉既以後至  
失事機復明列步騎虛張  
聲勢敵兵觀望不前已

息曰南渡二十年所在之民破田宅鬻妻子以養軍士。

今敵至不能迎戰徒以自保京城雖存何以爲國天下

其謂我何朕思之熟矣存亡有天命惟不負吾民可也。

乃詔諸將屯襄鄧十二月哈達豐阿拉帥諸軍入鄧州。

楊沃衍一名沃哩賜姓烏林噶朔州靜邊官莊人按沃哩舊作幹烈烏林噶舊作兀林答今並改後仿

此禪華善武仙兵皆會之遂出屯順陽圖類將兵屯漢

江哈達豐阿拉召諸將議由光化截江與戰及放之渡

江而後戰孰是張惠阿達茂舊作按得木今改皆曰截江便縱

之渡則我腹空腹必爲所潰豐阿拉曰使彼在沙磧且

當往求之况自來乎未幾蒙古兵畢渡哈達豐阿拉始

進至禹山在南陽府鄧州西南分據地勢列步卒于前山騎士于

昧于遲速勞逸之道而兩  
人者尙飾爲整暇漫無區  
分一則謂未可與戰一則  
謂彼將安歸調度乖方坐  
受其敵且又隱報提害  
及城民其罪尙可勝誅乎

山後蒙古兵觀之。竟不前。陣散如鴈翅。轉山麓。出金騎  
兵後。分三隊而來。哈達曰。今日之勢。未可戰也。俄而蒙  
古騎兵突前。金兵不得不戰。短兵接三合。蒙古兵少卻。  
其在西者。望豐阿拉親軍。環繞甲騎後而突之。金富察  
鼎珠舊作定佳。今改。力戰始退。哈達曰。彼衆號三萬。而輜重居  
其一。今相持二三日。彼不得食。若乘其却而擁之。必勝  
矣。豐阿拉曰。江路已絕。黃河不冰。彼入重地。將安歸乎。  
何以速爲。遂不逐。明日。蒙古兵忽不見。邏騎還。始知在  
光化對岸。棗林中。晝作食。夜不下馬。已四日。林外不聞  
音響。哈達豐阿拉議入鄧州就糧。辰巳間。到林後。蒙古  
忽至。哈達豐阿拉迎戰。交接之際。蒙古以百騎邀輜重。



而去。金兵幾不成列。夜二鼓。哈達豐阿拉乃入鄧州城。懼軍士迷路。鳴鐘招之。哈達豐阿拉隱其敗。以大捷聞。百官表賀。諸相置酒省中。左丞李蹊且喜且泣曰。非今日之捷。生靈之禍。可勝言哉。蓋以爲實然也。于是民保城壁者。皆散還鄉社。不數日。蒙古游騎突至。多被俘獲。

### 新作太廟

壬辰五年

金天興元年

春正月。以孟珙

字璞玉。宗政子。

爲京西兵馬鈐轄。

屯棗陽。

初。珙父宗政知棗陽。招唐鄧蔡州壯士二萬餘人。號忠順軍。命江海統之。衆不服。制置司以珙代海。珙分其軍爲三。衆皆帖然。珙又剗平堰于棗陽。自城至軍西十八

里由八里河經漸水。即澧水。今亦曰沙河。在棗陽縣西南。入白水。側水跨九

阜。建通天槽八十有三丈。溉田十萬頃。立十莊三轄。使

軍民分屯。邊儲豐足。珙又命忠順軍家自畜馬。官給芻

粟。馬益蕃息。至是以母憂起復。駐劄棗陽。

以史嵩之

字子由。鄞人。

為京湖制置使。

知襄陽府。

蒙古主自白坡

即白波鎮。在懷慶府孟縣西南。宋初河清縣嘗治此。後徙。

渡河。次鄭州。

使其將蘇布特圍金汴京。

蒙古主用西夏人實克

舊作恤。可。今改。

計自河中由河清縣

唐置。

金徙治孟津渡。因改曰孟津。此稱河清。蓋從舊名也。今屬河南府。

白坡渡河。遣人馳報

圖類以師來會。蒙古主遂入鄭州。遣蘇布特攻汴城。金



動人以首所感已淺本無  
救于傾危然下詔而聞者  
感勵猶見大定明昌之遺  
澤在人或因此而激勵民  
心庶幾死守弗去未嘗不  
可冀效于萬一乃悔悟之  
辭甫下征括之令旋行百  
姓雖愚豈語所能固結

主召羣臣議所守。有言珠赫呼高琪所築裏城決不可  
守。外城決不可棄。于是決計守外城。修樓櫓器具。時京  
城諸軍不滿四萬。而城周百二十里。不能徧守。故議以  
遷避之民充軍。又召在京軍官假借而用。得百餘人。又  
集京東西沿河舊屯兩都尉及衛州義軍四萬。并丁壯  
二萬。分置四面。每面選千名飛虎軍。以專救應。然亦不  
能軍矣。金主命翰林學士趙秉文為赦文。吹元布宣。悔悟哀痛之意。指事陳義。辭情俱盡。聞者莫不感

屬。洛陽人。至于慟哭。

金完顏哈達伊喇豐阿拉引軍援汴。及蒙古圖類戰于三  
峰。山名。在開封府禹州西南。大敗。忠孝軍總領完顏禪華善死之。

蒙古兵自禹山之戰。散漫而北。所過州縣。無不降破。遂

況并此亦不足信耶

自唐州以趨汴京。金二行省自鄧州赴援。步騎十五萬。蒙古以騎三千尾之。哈達等謀曰。敵兵止三千。而我不

戰。是弱也。金軍至鈞州。

今開封府禹州。金曰鈞州。沙河。即須水。在禹州東北。蒙

古兵不戰而退。金軍方盤營。蒙古兵復來襲。金軍不得

休息。食飲且行且戰。至黃榆店。望鈞州二十五里。雨雪

不能進。忽有旨云。兩省軍悉赴京師。哈達等遂發。蒙古

兵自北渡者畢集。前後以大樹塞道。金將楊沃衍奪路

得之。金軍遂進。次于三峰山。軍士有不食至三日者。蒙

古兵與河北兵合。四面圍之。燉薪燔肉。更迭休息。乘金

困憊。乃開鈞州路縱之走。而以生兵夾擊之。金軍遂潰。

聲如崩山。武仙率三十騎入竹林中。遂走密縣。楊沃衍



樊澤張惠步持大槍奮戰而死。

考金史楊沃衍傳三峰山之敗沃衍走鈞州部

曲勸之降沃衍劍斫之望汴京再拜自縊死與此所載不同

哈達知大事已去欲下

馬戰而豐阿拉已失所在哈達乃與禪華善等以數百

騎走入鈞州蒙古主在鄭州聞圖類與金相持遣琨布

哈

宗王伯勒格特依之季子拔琨布哈舊作口溫不花伯勒格特依舊作別里古台今並喚

齊拉袞

等赴之至則金軍已潰于是乃合攻鈞州塹其城外哈

達匿窟室中城破蒙古兵發而殺之因揚言曰汝家所

恃惟黃河與哈達耳今哈達爲我殺黃河爲我有不降

何待禪華善趨避隱處殺掠稍定乃出自言曰我金國

大將欲見白事蒙古兵士以數騎夾之詣圖類問其姓

名曰我忠孝軍總領禪華善也大昌原衛州倒回谷之

勝皆我也。我死亂軍中。人將謂我負國家。今日明白死。天下必有知我者。蒙古兵欲其降。不肯。乃斫足脛折之。割口吻至耳。噴血而呼。至死不屈。蒙古將有義之者。以馬湏酹而祝曰。好男子。他日再生。當令我得之。豐阿拉走。蒙古兵追擒之。械至官山。在禹州東北。圖類欲降之。往復數百言。終不從。唯曰。我金國大臣。惟當金國境內死耳。遂殺之。金之健將銳卒。自是俱盡。不復可爲矣。

二月。金陝西諸將棄潼關東還。蒙古追及之于鐵嶺。在陝西縣北。皆殺之。

初。金聞蒙古兵入饒風關。遣圖克坦烏登。舊作下。今改。行省

闕鄉。以備潼關。圖克坦拜扎爲關陝總帥。便宜行事。會



御批歷代通鑑輯覽卷之九十一

阿里哈

舊作阿里  
合今改

傳旨召烏登援汴。烏登遂與潼關總

帥納哈塔赫伸

舊作納合  
合閏今改

秦藍總帥完顏重喜等帥軍

十一萬騎五千。盡撤秦藍諸關之備。從虢入陝。金守將

李平以潼關降于蒙古。蒙古兵遂長驅至陝。烏登發闖

鄉軍士各以老幼自隨。由西南徑入大山冰雪中。部將

多叛去。蒙古聞之。自盧氏以數百騎追及之。山路積雪。

晝日凍釋。泥淖及脛。隨軍婦女棄擲老幼哀號盈路。行

至鐵嶺。欲戰而饑憊。于是重喜先降。蒙古斬之于馬前。

金兵遂大潰。烏登赫伸連數十騎走山谷間。追騎擒之。

皆被殺。

蒙古取金睢州。遂圍歸德府。不克。

薩布謂宰相必用文人襲  
世俗迂腐之說而忘金源  
蓋臣之本夫金源初起大  
東爾時豈有文人輔成創  
業乎況國家有事之日尤  
當與共安危若止溺身獨  
善而置國事於不顧與國  
休戚之謂何然薩布後此  
尚能殉義以全大節若博  
索庸議和為質力薦薩布  
以避患更為小人之尤而  
不足責矣

蒙古圍歸德。金行省什嘉紐勒緝。本名十六。舊作石蓋。女魯歡。今改。後仿此。  
命經歷黃禹錫守禦。禹錫竭其材智。故得不破。  
金復以完顏薩布為左丞相。

先是完顏薩布謂都事商衡。字平叔。曹州人。曰。古來宰相必用

文人。以其知為相之道。薩布何所知。使居此位。吾恐他

日史官書某時以某為相而國亡。遂請致仕。至是蒙古

攻汴日急。財匱援絕。金主大懼。平章政事博索。內族。名承裔。系

出世祖諸孫。按博索。舊作白撒。今改。後仿此。以為勢必講和。和議定。則首相

當往為質。乃力請金主起復薩布為相。且括汴京民軍

二十萬。分隸諸帥。

三月。蒙古圍洛陽。金警巡使強伸。河中射糧軍子弟。力戰却之。



蒙古立砲攻洛。洛城中唯三峰潰。卒三四千。及忠孝軍

百餘守禦而已。留守薩哈連

內族。字安之。按薩哈連。舊作撒合輦。今改。

疽發

于背。不能軍。遂投濠水死。已而元帥任守貞復立府事。

及守貞援汴。河南人共推強伸爲府僉事。

伸貌極寢陋。而膂力過人。

領所有軍二千五百人。甫三日。蒙古兵圍其三面。伸括衣帛爲幟。立之城上。率士卒赤身而戰。以壯士數百往來救應。大呼。以慙子軍爲號。其聲勢與萬衆無異。兵器已盡。以錢爲鏃。得蒙古兵一箭。截而爲四。以筒鞭發之。又創遏礮。用不過數人。能發大石子百步外。所擊無不中。伸奔走四應。所至必捷。蒙古益兵力攻。凡三月餘。不能拔。乃退。

金遣曹王鄂和。原封肅國公。至是乃進封。為質于蒙古。請和。夏四月。蒙

古退軍河洛。

蒙古主將北還。遣使自鄭州至汴。諭金主降。金主乃封

荆王守純。

宣宗子。

鄂和為曹王。命尚書左丞李蹊送之。

蒙古為質以請和。諫議大夫費摩阿固岱

舊作阿虎帶。今改。

為

講和使。未行。蒙古蘇布特聞之曰。我受命攻城。不知其

他也。乃立攻具。沿濠列木柵。驅漢俘及婦女老幼。負薪

草填濠。頃刻平十餘步。平章博索以議和。不敢與戰。城

中喧闐。金主聞之。從六七騎出端門。時新雨淖。車駕忽

出。都人驚愕失措。俱跪于道傍。老幼遮擁。至有誤觸金

主衣者。少頃。宰相從官皆至。進笠不受。曰。軍中暴露。我



何用此。西南軍士五六十輩進曰。北兵填濠過半。平章傳令。勿放一鏃。恐壞和事。豈有此計邪。金主曰。朕以生靈之故。稱臣進奉。無不順從。止有一子。養未長成。令往作質子矣。汝等略忍。待曹王出。韃靼不退。汝等死戰。未晚。是日。曹王行。蒙古兵併力進攻。金造礮石。取艮嶽太湖靈壁假山爲之。大礮礮爲二三。皆用之。攢竹礮有至十三稍者。餘礮稱是。每城一角。置礮百餘枚。更迭上下。晝夜不息。數日。石幾與裏城平。父老所傳周世宗築京城。取虎牢土爲之。堅密如鐵。受礮所擊。唯凹而已。金募死士千人。穴城由壕徑渡。燒其礮座。城上懸紅紙燈爲應。約燈起渡壕。又爲蒙古所覺。又放紙鳶。置文書其上。至蒙古營。則斷之以誘被俘者。識者謂宰相欲以紙鳶紙燈退敵。難矣。蒙古攻城十六晝夜。內外死者以百萬計。蘇布特知不可取。乃爲好語曰。兩國已講和。更相攻邪。金人因就應之。

乃遣戶部侍郎楊居仁

字行之。大興人。

出宜秋門。以酒炙犒蒙

古兵。且以金帛珍異賂之。蘇布特乃許退兵。散屯河洛

之間。參政遲嘉喀齊喀。

舊作赤蓋。合喜。今改。

以守城爲已功。欲率

百官入賀。參政內族思烈

南陽郡王。襄之子。

曰。城下之盟。春秋

以爲恥。況以罷攻爲可賀邪。喀齊喀怒曰。社稷不亡。君

后免難。汝等不以爲喜邪。乃命趙秉文爲表。先是。蒙古

攻城時。金主母明惠皇后陵被發。秉文曰。春秋新宮災。

三日哭。今園陵如此。酌之以禮。當慰不當賀。事乃已。金

主御端門肆赦。改元天興。詔內外官民能完復州郡者。

功賞有差。上書不得稱聖。改聖旨爲制旨。釋衛紹王族

禁錮。汴京解嚴。步兵始出封邱門外采蔬薪。



金命其平章政事完顏博索致仕。

博索恇怯無能。性復貪鄙。軍士怨憤其不戰。博索不自

安。謂尙書令史元好問

字裕之。太原秀容人。

曰。我妨賢路久矣。得

退爲幸。爲我撰乞致仕表。頃之。金主已遣使持詔至其第。令致仕。軍士猶欲殺之。博索懼。一夕數遷。金主以親軍二百。陰爲之衛。軍士無以泄其憤。遂相率毀其別墅而後已。

五月。金汴京大疫。

凡五十日。諸門出柩九十餘萬。貧不能葬者。不在是數。尋以疫後。闔戶僧道醫師粥棺者。擅厚利。命有司倍征之。以助國用。

或譏金從此遂絕和議致  
覆亡非也夫強元勢微方  
熾金雖厚禮來使元其能  
釋憾而就議耶即暫與  
議和其能終歲淡時不遽  
轉為稱兵致攻邪殺使不  
殺使固無增損特是時疆  
圍寥替百姓膏塗謂殺此  
數千人遂足以快心未免  
所見之淺然較之選懦亡  
憐終無所逃者猶為此言  
於彼耳

秋七月金殺蒙古使者三十餘人。

金飛虎卒申福等殺蒙古行人唐慶等三十餘人于館。  
金主不問和議遂絕。

蒙古國安用降金。金封為克王。行東京尙書省事。賜姓名

完顏用安。

先是金徐州軍亂。國安用入據之。

都統兵統領王祐張與

塲作亂。遂行省圖克坦伊都安用率兵入徐斬祐等以

豐新為帥。

主徐州事。

按圖克坦伊都舊作徒單益都

豐新舊作

封仙。

今改。

至是金宿州東面總帥劉安國邳州杜政皆

歸之。安用遂據三州。蒙古帥鄂卓囉

蒙古氏舊作阿木魯。今改。

聞之

怒曰。此三州我當取。安用何人。輒受其降。遣張進率兵  
入。徐圖安用。安用懼。乃與徐州總帥王德全。刳殺張進



及海州元帥田福等數百人乃還邳州會山東諸州及

徐邳宿三州主帥刑白馬結盟誓歸金既盟諸將皆散

去安用無所歸遂同德全安國因宿州從宜重僧努舊作

衆僧奴今改後仿此自通于金重僧努以聞金主遣近侍直長因

世英等持手詔至邳封拜安用賜姓改名且以空頭河

朔山東赦文使得便宜從事先是重僧努遣使未報安用即服金衣冠及聞使至

復猶豫不決遣迎使者監于州解問所以來使者對以封建事安用意頗順明日出見使者跪揖如等夷坐定

使人取金所賜物遍觀之喜見顏色乃設宴拜受如儀令主事常謹隨世英奉表入謝從金所賜姓名爲完顏

用安金主復遣世英賜以鐵券虎符龍文衣玉魚帶及郡王宣世襲千戶宣各十聽同盟可賜者賜之世英過

徐德全安國說之曰朝廷恩命豈宜出自用安郡王宣吾二人最當得者乞就留之世英乃留郡王宣世襲千

戶宣各二田是與用安有隙已而用安徵兵徐宿欲圖山東德全安國不應用安駐師徐州城下遣人殺安國

因攻徐州。三月不能下。退還漣水。以軍食不給。來乞糧。  
朝廷陽許之。用安即日改從宋衣冠。而陰降于金。糧之  
軍多流亡。

金恒山公武仙等會兵救汴。八月。遇蒙古于京水。即今開封府賈

魯河。源出滎陽縣高渚山。自鄭州以上。謂之京水。鄭州以下。謂之賈魯河。以元賈魯濬此。故名。皆潰。

初三峰之敗。仙走南陽。收潰軍十萬人屯留山。在汝州

北。隋書地理志。郟城縣有大留山。即此。今亦謂之大劉山。汴京被圍。金主詔仙與鄧

州行省完顏思烈。鞏昌總帥完顏呼沙呼。即完顏仲德。海蘭路人。按

呼沙呼。舊作忽斜虎。今改。後仿此。合兵入援。仙至密縣東。遇蒙古兵。即

按軍眉山店。在密縣東北。眉當作梅。以地近梅山。故名。報思烈曰。阻澗結營。

仙臣俱進。思烈急欲至汴。不聽。金主又命樞密使遲

嘉喀齊喀。帥兵應仙。思烈等至京水。蒙古乘之不戰而



潰仙亦敗走還留山喀齊喀屯中牟三日。聞恩烈軍潰。

卽夜棄輜重馳還。

喀齊喀被効廢居沽常山狀  
映不殺後爲崔立所殺

閏九月。彗出于角。

帝避殿減膳撤樂。詔中外臣僚指陳缺失。無所隱諱。諸路監司察守令之貪廉仁暴。及民間利便疾苦以聞。

高麗盡殺蒙古所署官。蒙古伐之。

高麗盡殺蒙古所署官達嚕噶齊。帥衆入海島。蒙古薩里台伐之。卒于軍。

金括粟民間。

金主以和議旣絕。懼兵再至。乃復僉民兵爲守禦備。遂

括汴京粟。以完顏珠赫

字仲平。後死崔立之難。按珠赫舊作珠璣。今改。後仿此。

等

按戶括粟閭閻已不勝其擾矣珠乃更濟以酷暴輕賣發婦於死致民皆股栗國益空虛其復何以持久觀其對李蹊之言謂花不損何由成蜜意欲以強辭折衆論豈知百姓不保社稷尚誰與圖存其弊更不止於剝肉暨膚矣

主之。置局以推舉爲名。珠赫諭民曰。汝當從實推唱。果

如一旦糧盡。令汝妻子作軍食。復能吝否。旣而罷括粟。

復以進奉取之。且賣官。及令民買進士第。前御史大夫

內族哈準

一名永錫。按哈準舊作合周。今改。後仿此。

復覲進用。建言京城括

粟。尙可得百萬石。金主乃命哈準爲參知政事。與左丞

李蹊復括之。

哈準先令各家自實。壯者存石有三斗。幼者半之。仍書其數門首。敢有匿者。以升斗

論罪。京城三十六坊。各選深刻者主之。完顏玖珠尤酷暴。有寡婦二口。實豆六斗。內有蓬子約三升。玖珠笑曰。

吾得之矣。執寡婦以令衆。婦泣愬曰。妾夫死于兵。姑老不能爲養。故雜蓬糧以自食耳。非敢以爲軍儲也。且三

升。六斗之餘也。玖珠不聽。竟杖死。聞者股栗。盡棄其餘于糞溷中。或曰。于李蹊。蹊輒蹙曰。白之參政。及白哈準

哈準曰。人云花又不損。蜜又得成。余謂花不損。何由成蜜。且京城危急。今欲存社稷耶。存百姓耶。衆莫敢言。所

括不能三萬斛。而滿城蕭然。死者相枕。貧富束手待斃而已。遂至人相食。金主聞之。命出太倉米作粥。以食餓



者翰林直學士錫瑪喇愛錫嘆曰與其食之寧如勿奪  
為奉御博諾所告金主怒送愛錫有司賴近侍李大節  
救免錫瑪喇愛錫字正之策論進士按完顏玖珠舊  
作完顏久住錫瑪喇愛錫舊作斜卯愛寶博諾舊作把  
奴今並改。

冬十月金盱眙守將以城來歸詔改為昭信軍。

蒙古圖類卒。後追諡睿宗。

圖類生六子長莽賚扣。即憲宗舊次默爾根。舊作木三

瑚圖克圖。舊作忽四呼必賚。即世祖舊五轄魯。舊作六

阿里克布克。舊作阿里不哥今並改後仿此。

金以汪世顯。字仲明華昌鹽川人。為鞏昌便宜總帥。

初世顯以戰功為征行從宜分治陝西西路時調度窘迫世顯發家資率豪右助邊鄰郡效之軍餉遂足金主

以呼沙呼爲鞏昌總帥。世顯同知府事。二人盡忠固守。以抗蒙古。及呼沙呼勤王東下而潰。乃以世顯代之。世顯勵志自奮。糧械精贍。

十二月。皇太后楊氏崩。

諡恭聖仁烈。

詔外朝以日易月。宮中行三年喪。

蒙古遣使來議伐金。許之。

蒙古再遣王檄

字巨川。鳳翔號縣人。

來京湖。議夾攻金。史嵩之以

趙范不欲允蒙古夾攻之請。其先見誠非當時朝臣所厥後乃欲乘金之難。遂收復三京。志則大而識則短矣。夫能奮發有爲。豈不甚善。然以積弱之宋。敵方銳之元。不審時勢不

聞。朝臣皆以爲可。遂復讐之舉。獨趙范不喜。曰。宣和海。上之盟。厥初甚堅。迄以取禍。不可不鑒。帝不從。命嵩之報使許之。嵩之乃遣鄒伸之往報。蒙古許侯成功。以河南地來歸。



度力量質。貿然輕於舉動。  
啓蒙招尤。范之智何能料。  
於前而不能料於後耶。

金主守緒出奔河北。蒙古蘇布特復圍汴。

汴京糧盡援絕。勢益危急。召諸臣入議。或言歸德四面皆水。可以自保。或言宜沿西山入鄧。或言設欲入鄧。蒙古蘇布特在汝州。不如取陳蔡路。轉往鄧下。金主未決。乃起院判白華爲右司郎中。問之。華言歸德城雖堅。久而食盡。坐以待斃。決不可往。旣汝州有蘇布特。則鄧下亦不可往。計今事勢。當直赴汝州。與之一決。然汝州戰。不如半途戰。半途戰。不如出城戰。蓋我軍食力猶在。若便得戰。存亡決此一舉。外則可以激三軍之氣。內則可以慰都人之心。或止爲避遷之計。人心顧戀家業。未必毅然從行。可詳審之。金主不從。翌日。集軍士于大慶殿。

諭以京城食盡。今擬親出。遂以右丞相薩布、平章博索

等帥軍扈從。參政訥蘇肯

即完顏訥蘇肯。字正甫。蘇呼之弟。拔訥蘇肯。舊作奴申。今

改。訥副兼知開封薩尼雅布。

舊作習捏阿不。今改。後仿此。

等留守金

主乃發汴京。與太后、皇后、妃主別。大慟。至開陽門。詔諭留守兵士曰。社稷宗廟在此。汝等壯士。毋以不預進發之數。便謂無功。若保守無虞。將來功賞。豈在戰士下。聞者皆灑泣。是日。鞏昌元帥呼沙呼援兵至。言于金主曰。京西三百里之間。無井竈。不可往。金主遂決意東行。進次黃陵岡。諸將請幸河朔。金主從之。蒙古蘇布特聞金主東走。復進圍汴京。





御批歷代通鑑輯覽卷之九十二

宋

理宗皇帝

癸巳紹定六年

金天興二年

春正月金主守緒濟河使完顏博索

攻衛州與蒙古兵戰大敗金主走歸德博索伏誅

金主遣使徵糧于歸德總帥什嘉紐勒緝送糧千五百

石至蒲城

卽春秋蒲邑注見前

東六軍給糧盡因留船二百張布

爲幄金主遂乘以濟河會大風後軍不能濟蒙古輝爾

古納

舊作回古乃今改

追擊于南岸金元帥賀德希

舊作都喜今改

力

戰死金兵溺者近千入金主次北岸望之震懼遂次漚

麻岡

在大名府長垣縣西北

遣博索帥師攻衛州至城下以御旗



招之。城中不應。蒙古聞之。自河南渡河。博索遂退師。蒙

古史天澤以騎兵踵其後。戰于白公廟。在衛輝府汲縣東。金師

敗績。博索棄軍東遁。金主進次魏樓村。在長垣縣西。猶欲俟

蒙古兵至決戰。少頃。博索至。倉皇言。軍已潰。北兵近在

隄外。請幸歸德。金主遂與副元帥阿里哈。舊作合理。等合。今改。

六七十人。夜登舟。潛渡河。走歸德。翼日。諸軍始聞。金主棄

師。遂大潰。金主入歸德。遣奉御珠嘉塔克錫布。舊作木甲塔失。

不令往汴京。奉迎太后。及后妃諸軍。怨憤。金主乃暴博

索罪。殺之。

金汴京西面元帥崔立。將陵人。金主東走。以立為外城西面元帥。作亂。以梁王

從恪。衛紹王子。監國而幽之。自為大師。尚書令都元帥。以城降。

蒙古。

初汴人以金主親出師日聽捷報及聞軍敗始大懼會  
金主遣使至汴奉迎兩宮人情益不安西面元帥崔立  
性淫狡因民洶洶潛謀作亂時兩宮已出至陳留見城  
外二三處火起疑有兵復馳還汴京明日崔立拔劍指  
完顏訥蘇肯及薩尼雅布曰京城危困已極二公坐視  
何也二相曰有事當好議之何遽至如是立麾其黨先  
殺薩尼雅布次殺訥蘇肯及左司郎中納哈塔德輝等  
十餘人遂勒兵入宮集百官議所立立曰衛紹王太子  
從恪其妹公主在北兵中可立之乃遣其黨韓鐸燕京人  
以太后命往召從恪至以太后誥命爲梁王監國百官



崔高國圖纂稍有入心  
者即捐軀討賊王若虛  
輩雖已偷生戀爵即不作  
碑文亦能倖免失身之罪  
乎至其好同於金亡之後  
以史事為已任託文詞以  
自蓋且不列之墓實其  
棄金史於二人傳後

拜舞立目為太師都元帥尚書令鄭王弟倚為平章政  
事侃為殿前都點檢其黨皆拜官遂送欵詣蘇布特軍  
蘇布特至青城立服御衣儀衛往見之蘇布特喜飲之  
酒立以父事之還城悉燒樓櫓蘇布特益喜始信其實  
降也立託以軍前索隨駕官吏家屬軍民子女聚之省  
有以一女之故致數人死者猶以為不足乃禁民間嫁娶  
于宮中以腹心守之限其出入以荆王府為已私策取  
內府珍玩充實之羣小附和請建功德碑翟奕以尚書  
省命翰林直學士王若虛為文時元好問以左司都事  
立遷為左右司員外郎若虛私謂好問曰今召我作碑  
不從則死作之則各節掃地不若死之為愈然我姑以  
理諭之乃謂奕曰丞相功德碑當指何事為言奕曰丞  
相以京城降活生靈百萬非功德乎若虛曰學士代王  
言功德碑謂之代王言可乎且丞相既以城降則朝官  
皆出其門自古豈有門下人為主帥頌功德而可取信  
于後世者乎奕雖殘虐聞之不能對而去事遂得已王若虛字從之藁城人

之樂

夏四月葬恭聖仁烈皇后。

金崔立執其主之后妃。及梁王從恪等。送蒙古軍。蒙古蘇布特殺從恪等。以后妃北還。

崔立以天子袞冕后服。進于蘇布特。又括在城金銀。授索薰灌。訊掠慘酷。貴族富人。不堪其毒。竊相語曰。攻城之後。七八日中。諸門出葬者百萬。人恨不早預其數。而值此也。立時與其妻入宮。兩宮賜之不可勝計。立因諷太后作書。陳天時人事。遣金主乳母入歸德招降。立遂以太后王氏。皇后圖克坦氏。梁王。及荆王守純。諸妃嬪。凡車三十七兩。宗室男女五百餘人。衍聖公孔元措等。赴青城。蘇布特殺二王。及族屬。而送后妃等于和林。在



道艱楚萬狀尤甚于徽欽之時。蘇布特入汴城立時在城外。兵先入其家取其妻妾寶玉以出立歸大慟而已。

初蒙古之制凡攻城不降矢石一發則屠之汴京既陷蘇布特遣使言于蒙古主曰此城相抗日久士卒多傷請屠其城耶律楚材聞之馳見蒙古主曰將士暴露數十年所爭者土地人民耳得地無民將焉用之蒙古主未許楚材又曰凡弓矢甲仗金玉等匠及官民富貴之家皆聚此城殺之則一無所得是徒勞也乃詔除完顏民一族外餘皆原免時避兵在汴者尚百四十萬戶皆得保全遂爲定制。

孟珙擊金武仙于順陽破走之遂復鄧州。

金唐鄧行省武仙次于順陽與唐州守將武天錫鄧州守將伊喇瑗互相犄角謀迎金主入蜀遂犯光化其鋒甚銳珙帥師逼天錫壘一鼓拔之壯士張子良斬天錫首以獻俘其將士四百餘人繼又敗金人于呂堰。

在襄陽府

襄陽縣北。今有驛。俘獲不可勝計。遂攻順陽。武仙敗走馬磴山。

在南陽府淅川縣東。縣令李英及申州安撫張林皆以城降。伊喇

瑗孤立而懼。遣使請降。珙納之。為易衣冠。以賓禮見。于

是降者相繼。珙言于史嵩之曰。歸附之人。宜因其鄉土

軍。俾自耕自守。才能者分以土地。任以職事。使各招其徒。以殺其勢。嵩之從之。

五月。金富察固納。少充忠孝軍萬戶。按固納。舊作官奴。今改。後倣此。幽其主守緒

于照碧堂。在歸德府城南。舊城上。宋建。六月。固納伏誅。

先是。富察固納作亂。殺元帥什嘉紐勒緡。又殺左丞相

李蹊等。時蒙古特穆德克圍亳州。且日遣兵薄歸德。民

固納不悅。乃私與完顏用安謀。邀金主幸海州。金主不

從。固納積忿。遂作亂。執紐勒緡殺之。又殺朝官李蹊等

三百人。以兵入見金主曰。紐勒緡謀反。臣



以固納權參知政事。後固納又襲敗蒙古特穆德克軍

于亳州。初。衛州白公廟之潰。固納母為蒙古所獲。金主

克言欲劫金主以降。特穆德克信之。還其母。固納乃日

相往來講議。遂與金主密定斫營之策。因五月五日祭

天。軍中陰備火槍戰具。固納率忠孝軍乘夜徑至特穆

德克營。腹背攻之。特穆德克軍大潰。固納盡焚其柵而

還。真拜參知政事。兼左副元帥。至是益暴橫。居金主于

照碧堂。禁近無一人敢奏對者。金主曰悲泣。語近侍云。

古無不亡之國。不死之君。但恨我不知人。為此奴所困

耳。于是內侍局令宋珪。本名齊諧。燕人。按齊

祿溫綽。舊作女奚烈。完出今改。烏克遜愛錫。舊作烏古孫。愛實今改。等密謀

討賊。且聞蔡州城堅池深。兵眾糧廣。咸勸幸之。以救饑

窘。會蔡息陳穎等州便宜總帥烏庫哩鎬。本名喀喇。東

北路招討司

人按喀喇舊

作栲栳今改

運米四百斛至歸德。且請臨幸。金主意遂

決。諭固納以幸蔡。固納力陳不可。至于扼腕頓足。意趣

叵測。因此號于衆曰。敢言南遷者斬。衆以固納爲無君

諷。金主早爲計。金主遂與珪等謀。召宰相議事。而令溫

綽伏于照碧堂門間。固納進見。溫綽從後刺其肘。金主

亦拔劍斫之。固納中創。投城下以走。溫綽愛錫。追殺之。

忠孝軍聞變。皆擐甲。溫綽請金主親撫慰之。于是金主

御雙門。赦忠孝軍以安反側。

蒙古取洛陽。金中京留守強伸死之。

金主以強伸守中京有功。降詔褒諭。授中京留守。行總

帥府事。月餘糧盡。軍民稍散。蒙古兵復至。伸力戰。蒙古



御批通鑑輯覽卷之九十二  
行月不與金史同

五四

稍退。鷹揚都尉獻西門以降。伸知城不能守。率死士數十突出。轉戰至偃師。力盡就執。載以一馬。擁迫而行。將見蒙古塔齊爾。一名布展。博勒呼從孫。按塔齊爾。舊作塔察爾。布展舊作倭蓋。今並改。伸語不遜。兵卒因好語誘之曰。汝能北面一屈膝。當貸汝命。伸不從。左右持使北面。伸拘頸南向。遂殺之。

### 金主守緒走蔡州。

金主留元帥王璧守歸德。遂如蔡州。時久雨。朝士扈從者。徒行泥水中。掇青棗爲糧。足脛盡腫。明日至亳州。金主黃衣皂笠。金兔鶻帶。以青黃旗二導前。黃纛擁後。從者百人。馬五十匹而已。行次城中。父老拜伏道左。金主遣近侍諭以國家涵養汝輩。百有餘年。今朕無德。

令汝塗炭。朕亦無足言者。汝輩無忘祖宗之德可也。皆呼萬歲泣下。留一日。進次毫南六十里。避雨雙溝寺中。蒿艾滿目。無一人迹。金主太息曰。生靈盡矣。爲之一慟。及入蔡。父老羅拜于道。見金主儀衛蕭條。莫不飲泣。金主亦歎歔。遂以完顏呼沙呼爲尙書右丞。總領省院事。烏庫哩鎬爲御史大夫。總帥如故。張天綱字正卿。霸州益津人。權參知政事。富珠哩舊作李木。魯。今改。小洛索時有大中小三洛索。皆內族。以其名同。故各以長幼別之。簽書樞密院事。呼沙呼有文武材。事無巨細。率親爲之。選士括馬。繕治甲兵。未嘗一日忘奉金主幸秦鞏之志。近侍久困睢陽。幸卽汝陽之安。皆娶妻營業。不願遷徙。日夕進言。西幸不便。金主信之。呼沙呼惟深



居燕坐。瞑目太息而已。時蒙古兵去蔡差遠。商販頗集。

金主安之。命選室女備後宮。及修見山亭。在汝寧府治前牙城上。

爲遊息之所。呼沙呼切諫。乃止。呼沙呼定進馬遷賞格。

得馬千餘匹。又遣使分詣諸道選兵詣蔡。得精銳萬餘。

兵威稍振。忠孝軍提控李德率十餘人乘馬入省大呼。以月糧不優。幾于罵詈。呼沙呼縛德杖之。金

信賞必罰實激勸之良規而當有事之時尤非此無以勵人心而整戎紀呼沙

呼所見深得要領而所謂

賞必由中罰任其責更合

歸善任怨之道使金主早

爲信用俾得盡其長國勢

未必遽至潰敗而不可收

至烏庫哩鍋同心贊助正

當倚以爲左右手顧乃聽

議頑遠致其憂憤成疾金

主諭呼沙呼曰。此軍得力。方欲倚用。卿何不吝。忍責罰。乃爾。呼沙呼對曰。時方多故。錄功隱過。自陛下之德。至于將帥之職。則不然。小犯則決。大犯則誅。其強兵悍卒。不使一日不在紀律。蓋小人之情。縱則驕。驕則難制。雖陽之禍。豈獨固納之罪。亦有司縱之太過耳。今欲易前轍。不宜愛克厥威。賞必由中。罰則臣任其責。軍士聞之。自是無復敢犯法者。是時從官近侍皆窮乏。悉取給于烏庫哩鍋。鍋不能人滿其欲。日夕交譖于金主。至以尙食闕供爲言。金主怒。遂疎鍋。鍋以被譖成疾。多不視事。

蒙古以孔元措襲封衍聖公。

主之不善任人適自促其危亡耳

從耶律楚材之請也。

秋七月。孟珙大敗金武仙于馬蹬山。降其衆而還。

武仙愛將劉儀詣珙降。珙問仙虛實。儀言仙所據九砦。

其大砦石穴山。

在馬蹬山東南與岵山王子山聯綿百餘里。

以馬蹬沙窩岵

山三砦蔽其前。三砦不破。石穴未可圖也。若破離金砦。

則岵山沙窩孤立矣。珙乃遣兵攻離金。掩殺幾盡。是夕。

復令壯士擣王子山砦。斬金將首而出。遂圍馬蹬。殺戮

山積。還至沙窩西。與金人遇。大捷。未幾。丁順復破然候

里砦。于是仙之九砦六口破其七。珙召儀曰。此砦旣破。

板橋石穴必震。汝能爲我招之乎。儀請選婦人三百。僞

逃歸。懷招安榜以往。珙料仙勢窮蹙。必上岵山絕頂窺



伺。乃令樊文彬駐軍其下。已而仙衆果登山。及半。文彬麾旗。伏兵四起。仙衆失措。枕籍崖谷。山爲之赭。殺其將

烏色

舊作兀沙惹。今改。

擒七百三十人。棄鎧甲如山。薄暮。琪進

軍至小水河。儀言仙謀往商州。依險以守。然老稚不願北去。琪曰。進兵不可緩。夜漏十刻。召文彬等授方略。明日攻石穴。丙夜蓐食啓行。晨至石穴。時積雨未霽。文彬患之。琪曰。此雪夜。擒吳元濟之時。策馬直至石穴。分兵進攻。自寅至巳。遂破石穴。仙走。追及于鮎魚砦。仙望見。易服而遁。復戰于銀葫蘆山。在汝州伊陽縣西南。又敗之。仙與五六騎遁去。降其衆七萬。琪還襄陽。

八月。史嵩之以兵會蒙古將塔齊爾伐金。取唐州。金使穆

延烏登等行省院事于息州。

蒙古都元帥塔齊爾使王檄至襄陽約攻蔡州。史嵩之

以兵會伐唐州。金將烏庫哩和歡

舊作烏古論黑漢今改

戰死。城

遂降。官軍駐于息州之南。降者日衆。息州刺史烏庫哩

瑚魯

舊作烏古論魯今改後仿此

懼請益兵爲備。金主以參知政事

穆延烏登簽書樞密院富珠哩中洛索帥忠孝軍五百赴之。

九月壬寅朔日食。

金人來乞糧不許。

金使完顏阿固岱來乞糧將行。金主諭之曰。宋人負朕深矣。朕自卽位以來戒飭邊將無犯南界。邊臣有請征



行狀卷之九十二  
討者未嘗不切責之。向得宋一州。隨卽付與。近淮陰來歸。彼多以金幣爲贖。朕若受財。是貨之也。付之全城。秋毫無犯。清口臨陣。生獲數千人。悉以資糧。遣之。今乘我疲弊。據我壽州。誘我鄧州。又攻我唐州。彼爲謀亦淺矣。蒙古滅國四十。以及西夏。夏亡。及于我。我亡。必及于宋。唇亡齒寒。自然之理。若與我連和。所以爲我者。亦爲彼也。卿其以此意曉之。阿固岱至。朝廷不許。

之。  
蒙古塔齊爾圍金蔡州。冬十月。史嵩之使孟珙等帥師會之。

金主拜天于節度廳。羣臣陪從成禮。金主戒諭之。因賜卮酒。酒未竟。邏騎馳奏敵兵數百突至城下。將士踴躍。

咸請一戰。金主許之。是日分兵防守四面及子城。衆旣出接戰。蒙古兵奔潰。塔齊爾以數百騎復駐城東。金主遣兵接戰。又敗之。自是蒙古不復薄城。分築長壘圍之。史嵩之命孟珙。江海帥師二萬。運米三十萬石。赴蒙古之約。塔齊爾大喜。益修攻具。斲木之聲聞于城中。城中益恐。往往竊議投降。金呼沙呼日以國家恩澤。君臣分義。撫循其民。且營畫禦備。未嘗入私室。軍民感奮。始有固志。旣而南北兩軍以攻具薄城。金人自東門出戰。孟珙遮其歸路。得降人言。蔡城中饑。珙曰。已窘矣。當盡死守之。以防突圍。珙與塔齊爾約。南北軍毋相犯。頃之。塔齊爾遣張柔帥精兵五千薄城。金人鈎二卒以去。柔中



流矢如蝟。琪麾先鋒救之。挾柔以出。明旦琪殊死戰。進

逼柴潭。

在汝寧府汝陽縣南。

立柵潭上。命諸將奪柴潭樓。金人來

爭。諸軍魚貫而上。遂拔柴潭樓。蔡州恃潭爲固。外卽汝

河。潭高于河五六丈。琪召麾下謂曰。彼所恃。此水耳。決

而注之。洄可立待。遂鑿隄。潭果決。入汝水。琪命實以薪

葦。蒙古亦決練江。

源出確山縣。俗稱黃西河。至汝陽縣西入汝。

于是兩軍皆

濟。攻其外城。破之。進逼土門。金總帥富珠哩中洛索帥

精銳五百。夜出西門。人荷束藁。沃油其上。將燒兩軍寨

及砲具。蒙古兵先覺之。伏于隱處。挽强弩百餘。火發。矢

亦發。金兵却走。傷者甚衆。洛索僅以身免。兩軍合攻西

城。克之。因墮其城。先是呼沙呼命築寨浚濠爲備。及西

城墮兩軍皆未能入。但于城上立柵自蔽。呼沙呼摘三面精銳。日夕戰禦。金主謂侍臣曰。我爲金紫十年。太子十年。人主十年。自知無大過惡。死無所恨。所恨者祖宗傳祚百年。至我而絕。與古荒淫暴亂之君等爲亡國。獨爲此介介耳。又曰。亡國之君。往往爲人囚繫。或爲俘獻。或辱于階庭。閉之空谷。朕必不至于此。卿等觀之。朕志決矣。以御用器皿賞戰士。已而又殺廐馬犒之。然其勢不可爲已。

金徐州降于蒙古。行省右丞相完顏薩布死之。

時徐州節度使郭葉嚕。

舊作野驢。今改。

約源州叛。將麻琮襲破

徐州。徐州將士以蔡州被圍。又迫于蒙古兵。議出降。薩



布弗從。恐被執。乃投河求死。軍士援出之。卒自縊死。麻琮遂以州降蒙古。

以史彌遠爲太師左丞相。鄭清之爲右丞相。並兼樞密使。

薛極

字會之。常州武進人。

爲樞密使。喬行簡。陳貴誼

字正甫。福清人。

參知政

事。封史彌遠爲會稽郡王。奉朝請。彌遠尋死。

彌遠拜左相。一日。以疾求解政。詔彌遠有定策大功。勤

勞王室。宜加優禮。于是授保寧昭信節度使。充醴泉觀

使。封會稽郡王。奉朝請。二子。一璿。五孫。皆加官秩。越八

日而死。

彌遠爲相。凡二十六年。用事專且久。權傾內外。初欲反。韓侂胄所爲。故收召賢才。老成布于朝。

廷。及濟王不得其死。論者紛起。遂專任儉王。以居臺諫。一時君子。貶斥殆盡。帝德其立已。唯言是從。故恩寵終

其身。

十一月。刑部侍郎梁成大等有罪免。

時成大權刑部侍郎。有旨黜之。提舉鴻禧觀刑部尙書兼給事中莫澤論成大狼貪婪。苟賤無恥。遂寢祠命。旣而臺臣交劾莫澤貪淫悖害。工部尙書李知孝侵欲無厭。皆罷之。蓋三人皆黨附史彌遠。排斥諸賢。而成大尤心術嶮巇。凡可賊害忠良者。率攘臂爲之。四方賂遺列置堂廡。導賓客觀之。欲其效尤。雖知孝亦鄙其爲人。至曰。所不堪者。他日與成大同傳耳。卒皆貶死。天下快之。

詔改元。

史彌遠死。帝始親政。勵精求治。鄭清之亦慨然以天下

理宗受制權奸九年。直待彌遠死後始親政事。前



之闕失既多。即欲厲精求治。亦復何及。且鄭清之因黨附彌遠。而進其品誼。已概可知。安望其有所樹立。乃覲顏以天下為任。君若臣其將誰欺。其亦無恥之甚矣。

為已任。收召賢才。擢之朝廷。下詔改明年紀元端平。

以洪咨夔王遂

字去非。一字穎叔。韶之元孫。後為金壇人。

為監察御史。

帝親政五日。即召咨夔為禮部員外郎。入對。帝問以今日急務。咨夔言。進君子。退小人。開誠心。布公道。因乞召用崔與之。真德秀。魏了翁。帝納之。翼日。與王遂並拜御史。咨夔謂遂曰。朝無臺諫久矣。要當極本原而先論之。因上疏。乞權歸人主。政出中書。以致平治之道。且劾資政殿學士袁韶。字彥淳。慶元府人。仇視善類。諂附史彌遠。詔奪韶祠祿。又論趙善湘。鄭損。陳咳。納賂史彌遠。怙勢肆姦。失江淮荆襄蜀漢人心。罪狀顯著。詔善湘有討李全功。特寢免。咳。損。皆落職。

十二月。薛極免。

極與胡渠

字仲方。銓之孫。

聶子述趙汝述附史彌遠最親用事。

時人謂之四木。

甲午端平元年。

金天興三年。是歲金亡。

春正月。金主守緒傳位于其宗

室承麟。

世祖後。博索之弟。是為末帝。

孟珙以蒙古兵入蔡州。金主及其

尚書右丞呼沙呼死之。承麟為亂兵所殺。金亡。

金自太祖建國至承

麟亡。凡十主。合一百二十年。

蒙古兵以元旦會飲。歌吹之聲四望相接。城中饑窘。歎

息而已。孟珙見黑氣壓城上。日無光。降者言。城中絕糧

已三月。欲降者衆。珙乃下令諸軍銜枚。分運雲梯。布城

下以攻之。是夕。金主集百官。傳位于東面元帥承麟。承



麟拜泣不敢受。金主曰：朕所以付卿者，豈得已哉？以朕肌體肥重，不便鞍馬馳突。卿平日趨捷有將略，萬一得免，宗祚不絕，此朕志也。承麟起受璽，明日承麟卽位。時孟珙師已向南門，萬衆競進，金百官稱賀禮畢，亟出捍敵。而南城之陴已立宋旗幟矣。俄頃，四面鼓噪夾攻，聲震天地。孟珙招江海塔齊爾之師以入，呼沙呼帥精兵一千巷戰，不能禦。金主知事急，卽取寶玉寘于幽蘭軒。在汝寧府治內。環之以草，命近侍曰：死便火我。遂自經。呼沙呼聞之，謂將士曰：吾君已崩，吾何以戰爲？吾不死于亂兵之手，吾赴汝水從吾君矣。諸君其善爲計。言訖，赴水死。將士皆曰：相公能死，吾輩獨不能邪？于是參政

富珠哩。小洛索。烏凌噶瑚圖克。

烏凌噶瑚圖克舊作兀林答胡土。今改。後仿此。

總帥元志。元帥裕色爾。

裕色爾舊作玉山。見。今改。後仿此。

赫舍哩栢壽。

烏庫哩和勒端。及軍士五百餘人。皆從死。承麟退保子

城。聞金主殂。帥羣臣入哭。謂眾曰。先帝在位十年。勤儉

寬仁。圖復舊業。有志未就。可哀也已。宜諡曰哀。莫未畢。

城已陷。諸將禁近。共舉火焚之。奉御京錫。

完顏氏系出始祖。按京錫

舊作絳山。今改。後仿此。

收哀宗骨。將瘞之汝水上。江海入宮。執參

政張天綱。孟珙問金主所在。天綱曰。城危時自經矣。珙

乃與塔齊爾分哀宗骨。及寶玉法物。

考金史完顏京錫傳。京錫焚幽蘭軒。

火方熾。大兵突入。左右皆走避。京錫留不去。眾問之。京

錫曰。吾君終于是。吾侯火滅灰寒。收瘞其骨耳。眾曰。汝

命且不保。能瘞而君邪。京錫曰。吾逆知君輩決不遺吾。吾若果得瘞吾君。雖寸斬不恨。眾以告其帥布展。曰。此



大臣任事當為則為而正  
言謨論尤不係於疾徐輕  
重安有習為推讓低緩以  
為養體者蓋推讓即諉卸  
之端而低緩乃緘默之漸  
寢至因循苟且流弊日滋  
其失實非淺鮮金源盛時  
諸務整飭崇樸實而不事  
虛浮自明昌一變舊風相  
率入於文貌於是文恬武  
嬉日以玩愒至是而積疲  
不可復理為國而不知謹  
守成憲其勢必至於傾敗  
宣宗不得辭其咎矣

奇男子也。許之。京錫乃收餘燼。畏以敵衾。瘞于汝水旁。  
再拜號哭。將赴水死。以救免。後不知所終。所載與續綱  
目異。今并。是日。承麟亦為亂兵所殺。金亡。世。金自宣宗之  
密者。往往臨事推讓。低言緩語。以為養相體。每有四方  
兵革災異。輒以聖主心困。或俟再議。因循苟且。以度時  
日。及出兵。則以近侍監戰。臨事多所牽制。故師出無功。  
國亂不聞。以底于亡。史臣曰。金自宣宗南渡。棄厥本  
根。連兵宋夏。內致困憊。哀宗之世。無足為者。區區生聚。  
圖存于亡。力盡乃斃。可哀也已。雖然。國君死社稷。哀宗  
無愧焉。

以陳蔡西北地分屬蒙古。蒙古以劉福為河南道總管。史  
嵩之使孟珙等分屯京西。

嵩之使孟珙還師襄陽。江海還師信陽。王旻戍隨州。王  
安國守棗陽。蔣成守光化。楊恢守均州。並益兵飭備。經  
理屯田于唐鄧州。

金穆延烏登以息州來降。蒙古追殺之。

烏登行省于息州。與諸將帥。日以歌酒為樂。軍士淫縱。

及蔡州破。乃與富珠哩。中洛索。瓜爾佳玖珠。

瓜爾佳玖珠。舊作夾。

谷久住。

等送款請降。為金主發喪設祭。上諡曰昭宗。州

民因奉烏登為丞相。中洛索為平章。舉城南遷。遂焚樓

櫓。蒙古望見火起。追及于羅山。

今汝寧府信陽州。隋置羅山縣。元徙縣于西南。

而改宋信陽軍為州。移治于此。

自萬戶以下。凡七百人。皆被殺。

二月。蒙古入徐州。金完顏用安自殺。

蒙古圍沛。用安救之。敗走徐州。蒙古移兵攻徐。用安投

水死。

初用安降金。與李全妻楊氏絕。楊氏怒。悉屠用安家。走益都。用安選兵分將。期必得楊氏。相攻者久之。

及用安死。蒙古得其尸。剝面繫馬尾。為怨家齷食而盡。楊氏亦死于山東。



賈似道燕遊湖上不返燈  
火盛陳理宗既憑高望見  
即當切責俾改其過過而  
不改罪之可也乃徒令京  
尹傳言示戒巖之復曲意  
阿諛轉謂其才可大用馴  
至柄政擅權敗壞國事皆  
理宗之姑息釀成之耳

以賈貴妃弟似道

字師憲  
涉之子

為籍田令

似道少落魄為游博不事操行以蔭補嘉興司倉帝以  
貴妃故累擢籍田令恃寵不檢日縱游諸妓家至夜即  
燕遊湖上不返帝嘗夜憑高望西湖中燈火異常時語  
左右曰此必似道也明日詢之果然使京尹史巖之戒  
之巖之對曰似道雖有少年氣習然其才可大用也

詔太常簿朱揚祖詣河南省謁八陵

史嵩之露布至詔遣朱揚祖林拓往省謁八陵尋遣朱  
復之詣八陵相度修奉

夏四月獻金俘于太廟論功行賞有差

史嵩之遣使以孟珙所獲金哀宗遺骨及寶玉法物并

俘囚張天綱完顏哈拉海好海今改等獻于臨安四

月丙戌備禮告于太廟藏骨于大理寺獄庫加孟珙帶

御器械江海以下論功行賞有差知臨安府薛瓊問天

綱曰國之興亡何代無之我金之亡比汝二帝何如

瓊叱之明日奏其語帝召天綱問曰汝真不畏死邪天

綱對曰大丈夫患死之不中節耳何畏之有因祈死不

已帝不聽初有司令天綱供狀必欲書金主為虜主天

綱曰殺即殺焉用狀為有司不能屈聽其所供監察御

天綱但書故主而已聞者憐之後莫知其所終監察御

史王遂言史嵩之本不知兵矜功自侈謀身詭秘欺君

誤國留之襄陽一日則有一日之憂不報洪咨夔亦言

殘金雖滅鄰國方彊益嚴守備猶恐不逮豈可動色相

賀渙然解體以重方來之憂帝嘉納之

五月賜黃幹李燔李道傳等諡錄其子



詔幹燾道傳及陳宓

字師復。俊卿之子。

樓昉徐瑄胡夢昱等。阨

于權姦。而各行其志。沒齒無怨。其賜諡復官。錄用其子。

金武仙奔澤州。戍兵殺之。

六月。詔復故濟王竑官爵。

太常寺卿徐僑

字崇甫。婺州義烏人。

嘗侍講。開陳友愛大義。帝悟。

乃命復竑官爵。有司檢視墓域。以時致祭。

時竑妻吳氏自請為尼。特

賜號慧淨法空大師。紹興府月給衣資緡錢。

趙范趙葵請復三京。詔知廬州全子才會兵趨汴。金故將

李伯淵等殺崔立以降。

范葵欲乘時撫定中原。建守河據關。收復三京之議。朝

臣多以為未可。獨鄭清之力主其說。乃命趙范移司黃

爾時蔡州不守。哀宗死。社稷伯淵等方擁重兵守汴。自當痛哭誓師。矢死以圖報復。况宋兵深入。尤當竭力嬰城。乃竟聞風約降。遂成內潰。臣節已虧矣。且其

詭謀殺立御私嫌而非申  
國憲是立固有當殺之罪  
而伯淵等非可殺立之人  
續綱目書誅以予之于義  
永允因收書而申其論

州刻日進兵

范參議官邱岳曰方興之敵新盟而退氣

彼必突至非惟進退失據開釁致兵必自此始且千里

長驅以爭空城得之當勤餽餉後必悔之范不聽史嵩

之亦言荆襄方爾饑饉未可興師杜果復陳守境之利

出師之害喬行簡時在告上疏曰八陵有可朝之路中

原有可復之機以大有為之資當大有為之會則事之

有成固可坐而策也臣不憂師出之無功而憂事力之

不可繼有功而至于不可繼則其憂始深矣夫規恢進

取必須選將練兵豐財足食而今將乏卒寡財匱食竭

臣恐北方未可圖而南方已先騷動矣願堅持聖意定

為國論以絕紛紛之說皆不聽邱岳字煦山丹徒人

杜果字子詔知廬州全子才合淮西兵萬人赴汴時汴

昕邵武人京都尉李伯淵李琦李賤奴等為崔立所侮謀殺之及

聞子才軍至伯淵等以書約降而陽與立謀備禦之策

六月伯淵燒封邱門以警動立立殊不安伯淵等乃來

約立視火立從苑秀折希顏等數騎往既還伯淵就馬



上抱立。卽出匕首橫刺之。立墜馬死。伏兵起。元帥薩哈殺苑秀。折希顏亦爲軍所殺。伯淵繫立屍馬尾。至內前。號于衆曰。立殺害劫奪。烝淫暴虐。大逆不道。古今無有。當殺之否。萬口齊應曰。寸斬之。未稱也。乃梟立首。望承天門祭哀宗。伯淵以下軍民皆勵。或剖其心生噉之。以三屍掛闕前槐樹上。

趙葵帥師會全子才于汴。秋七月。葵將楊誼等入洛陽。

全子才次于汴。趙葵自滁州以淮西兵五萬取泗州。由泗趨汴以會之。葵謂子才曰。我輩始謀據關守河。今已抵汴半月。不急攻洛陽潼關。何待邪。子才以糧餉未集。對葵督促益急。乃檄鈐轄范用吉。樊辛。李先。胡顯等。提

兵萬三千。命淮西制置司機宜文字徐敏子爲監軍。先令西上。又命楊誼以廬州彊弩軍萬五千繼之。各給五日糧。七月。徐敏子啓行。遣和州寧淮軍正將張廸以二百人趨洛陽。廸至城下。城中寂然無應者。至晚。有民庶三百餘家登城投降。廸與敏子遂帥衆入城。蒙古聞之。復引兵南下。

八月。朱揚祖還自河南。

揚祖朝陵行至襄陽。會謀報蒙古哨騎已及孟津。陝府。潼關。河南。皆增屯戍。設伏兵。又聞淮閫刻日進師。衆畏不前。孟珙曰。淮東之師。由淮西遡汴。非旬餘不達。吾選精騎疾馳。不十日可竣事。逮師至東京。吾已歸矣。于是



珙與二使晝夜兼行。至陵下。奉宣御表。成禮而還。揚祖以八陵圖上進。帝問諸陵相去幾何。及陵前澗水新復。揚祖悉以對。帝忍涕太息久之。

蒙古復引兵至洛陽城下。楊誼軍潰。趙葵全子才遂棄汴而歸。

徐敏子入洛之明日。軍食已竭。乃采蒿和麵作餅而食之。楊誼至洛陽東三十里。方散坐蓐食。忽數里外有立黃紅涼繖者。衆方駭異。而蒙古伏兵突起深蒿中。楊誼倉卒無備。師遂大潰。爲蒙古擁入洛水者無數。誼僅以身免。是晚有潰卒奔告于洛日。楊誼一軍已爲蒙古大陣衝散。今蒙古兵已據北岸矣。于是在洛之師皆奪氣。

北復三京其謀倡自趙范  
汴城之敗由於始計不臧  
乃不引咎自劾而以輕遣  
偏師之失歸罪蔡等豈公  
道哉況當時軍無見糧士  
又不武蔡等縱不入洛能  
保汴城之無患乎且用兵  
機勢乏食之軍進取或可  
圖功坐守則必致潰使蔡  
等不留汴半月及早厲師  
而前力戰取勝未嘗不可

八月朔旦蒙古兵至洛陽城下立寨敏子與戰勝負相  
當士卒乏糧因殺馬而食敏子等不能留乃班師趙葵  
全子才在汴亦以史嵩之不致餽糧用不繼所復州郡  
率皆空城無兵食可因蒙古兵又決黃河寸金淀在開封府  
北黃河泛溢之水所匯之水以灌官軍官軍多溺死遂皆引師南  
還趙范以入洛之師敗績上表劾葵子才輕遣偏師趙  
楷劉子澄參贊失計師退無律致後陣覆敗詔葵子才  
各削一秩餘貶秩有差鄭清之力辭解政不許喬行簡  
上言三京撓敗之餘事與前異但當益修戰守之備帝  
嘉納之

京湖制置使史嵩之免九月以趙范代之



因糧於敵此破釜沉舟之計也趙范不罪其戰之非勇而罪其輕進喪師是非益倒置矣理宗曾不察其謬亦何憤憤

詔真德秀爲翰林學士。魏了翁直學士院。

帝因民望召還二人。德秀入對。帝迎謂曰。卿去國十年。每切思賢。德秀以大學衍義上進。因言于帝曰。天之所助者順。人之所助者信。陛下儻能敬德以迓續休命。中原終爲吾有。若徒以力求之。而不反其本。天意難測。臣實憂之。了翁入對。言事剴切。反覆利害之端。至漏下四十刻。乃退。帝皆嘉納之。

冬十月。詔真德秀進講大學衍義。

十二月。蒙古使王楫來。

蒙古使王楫來言曰。何爲而敗盟也。自是河淮之間。無寧日矣。

乙未二年春正月。以程芾爲蒙古通好使。

詔孟珙屯黃州。

珙留襄陽。招中原精銳之士。萬五千餘。分屯淠北。

考淠水。卽

巢湖。在廬州。去襄陽遠甚。此當是漢北之譌。

樊城。新野。唐鄧間。以備蒙古。名

鎮北軍。詔以珙爲襄陽都統制。珙赴樞密院稟議。因入

對。帝曰。卿名將子。忠勤體國。破蔡滅金。功緒昭著。珙對

曰。此宗社威靈。陛下聖德。與三軍將士之勞。臣何力之

有。授主管侍衛馬軍司公事。時暫黃州駐劄。朝辭。帝問

恢復。珙對曰。願陛下寬民力。蓄人材。以俟機會。帝問和

議。珙對曰。臣介冑之士。當言戰。不當言和。賜賚甚厚。珙

至黃。增陴浚隍。蒐訪軍實。邊民來歸者。日以千數。爲屋



三萬間以居之。厚加賑貸。又慮軍民雜處。因高阜為齊

安鎮。淮二砦。

齊安砦。本蕭齊時齊安郡故址。在黃州府黃岡縣西北。鎮淮砦。在今黃州府黃梅縣

北。以居諸軍。

二月。蒙古城和林。

注見前。

蒙古以和林為會同之所。于是城之。周五里許。

三月。以真德秀參知政事。陳卓

字立道。居仁子。

同簽書樞密院事。

夏五月。德秀卒。

諡文忠。

德秀拜參知政事。時已得疾。遂三上表乞祠。帝不得已。

授資政殿學士。提舉萬壽宮。逾旬而卒。贈銀青光祿大

夫。

德秀立朝。不滿十年。奏疏將數十萬言。皆切當世要務。直聲震朝廷。四方文士。誦其文。想見風采。及宦遊

所至。惠政深洽。不愧其言。由是中外交頌。鄴城人時驚傳。頃洞奔擁出關。曰。真直院至矣。果至。則又填塞聚觀。

與之爲人止圖自保其身而於國事休戚漠然不顧其人實無足取是時內多蠹政外有強鄰朝廷旣側席相招何忍堅辭不赴及詆以人材政事則又語涉模稜並未指陳爾時得失於事何裨卽史所稱帝之嘉納亦究無實際理宗專務虛名而臣下亦以高尚聲譽時事尙可爲乎

不置。史彌遠以是忌之。輒擯不用。而聲聞愈彰。及歸朝。將大用。則旣衰矣。然自韓侂胄立爲學之名。以錮善類。凡近世大儒之書。皆顯禁絕之。德秀晚出。獨慨然以斯文自任。講習而服行之。黨禁旣開。正學遂明于後世。德秀之力爲多。

六月召崔與之參知政事。不至。

與之自成都乞歸廣州。每有除命。皆力辭不起。及拜廣東安撫。會摧鋒軍士作亂。與之肩輿登城。叛兵望之。俯伏聽命而散。因卽家治事。帝注想彌切。召參大政。與之力辭。帝乃遣使趣之。且訪以政事之當行罷者。人材之當用舍者。與之上疏曰。天生人才。自足以供一代之用。惟辨其君子小人而已。忠實而有才者上也。才不高忠實存者次也。用人之道。無逾于此。帝嘉納之。召命益力。



與之控辭。至十三疏不許。

久之召與之為右丞相兼樞密使復辭不至。

蒙古主使其子庫騰

舊作濶端今改後仿此。

等分道南侵

蒙古主命子庫騰將塔海等侵蜀。特穆德克及張柔等

侵漢琨布哈及察罕

初名益德。唐古特烏密氏。夏臣綽依辰類之子。按唐古特烏密舊作

唐兀烏密綽依辰類。舊作曲也。法律。今並改。

等侵江淮。

秋七月蒙古將琨布哈侵唐州。全子才等棄師走。趙范帥

兵敗蒙古于上聞

在南陽府唐縣南。為瀟水既田處。

而還。

冬十月金鞏昌總帥汪世顯降蒙古。

金亡。郡縣皆降。獨世顯堅守不下。一日謂其眾曰。宗祀

已失。吾何愛一死。千萬人之命懸于吾手。平居享高爵

厚祿。死其分也。餘者何罪。與其自經于溝瀆。姑徇一時

世顯為金總帥分守封疆  
自當力戰以圖存否則捐  
軀而殉國此事君之義無  
所逃於天地者乃酒幣迎  
降覲顏事敵而復假屈已  
紿禍之言以愚眾聽其對

庫騰語又自謂前此之不  
賣國市恩可謂喪廉鮮耻  
而自欺以欺人者矣

之節孰若屈已紓斯人之禍會蒙古庫騰入蜀次于鞏  
昌城下世顯率耆老持牛羊酒幣迎謁庫騰謂之曰吾  
征討有年所至皆下汝獨何守何也世顯曰有君在上  
賣國市恩之人諒所不取庫騰大悅戒其下秋毫勿犯  
俾世顯仍舊職即日令帥部從征世顯遂截嘉陵進  
趨太安庫騰資其糧械

十二月以魏了翁同簽書樞密院事督視江淮京湖軍馬  
了翁在朝凡六月前後二十餘疏皆當世急務帝將引  
以共政而忌者相與合謀擠之且言了翁知兵體乃  
命出視師賜便宜詔書如張浚故事陛辭御書唐嚴武  
詩及鶴山書院四大字賜之了翁開幕府于江州以吳



潛

字毅夫宣州寧國人

爲參謀官。趙善瀚馬光祖

字華父婺州金華人

爲參

議官。

蒙古庫騰入沔州。殺知州事高稼。

字南叔。邛州蒲江人。

進圍青野原。

利州統制曹友聞。

字允叔。栗亭人。彬十二世孫。

將兵救却之。

稼在沔。葺理創殘。招集流散。民皆襁負歸之。又數與蒙

古力戰。奇功甚多。至是庫騰自鳳州入西川。

當作西縣。隋置元省。

故城在今漢中府沔縣。

東路之師多敗。遂擣西池谷。

在沔縣東北。

距沔

九十里。吏民議退保大安。稼言于制置使趙彥呐曰。今

日之事。有進無退。若能進據險地。以身捍蜀。敵有後顧

必不深入。若倉皇召兵。退守內地。敵長驅而前。蜀事去

矣。彥呐曰。吾志也已。而竟行。留稼守沔。蒙古自白水關

注見前

八六股株

在漢中府畧陽縣東北方輿紀要此卽白馬關也亦曰九股樹舊置巡司于此

距沔六十里。沔無城。依山爲險。稼升高鼓譟。盛旗鼓爲疑兵。已而蒙古大至。沔遂破。衆擁稼出戶。稼叱之不能止。敵圍殺之。彥聞稼死。沔州破。乃進屯青野原。蒙古圍之。曹友聞曰。青野爲蜀咽喉。不可緩也。卽往救之。半夜截戰。遂解其圍。旣而蒙古先鋒汪世顯擣大安。友聞又救之。指麾甫畢。蒙古大軍數萬突至。友聞迎戰。又敗之。敵乃退。友聞遂引兵扼僊人關。

丙申

三年春二月。蒙古初行交鈔。

從耶律楚材之請也。以萬錠爲額。

召魏了翁還。簽書樞密院事。了翁固辭不拜。尋罷。



廷臣多忌了翁者。故謀假出督以外之。甫二旬。復以建督爲非。召之還。而帝不悟。于是了翁固辭求去。不允。既

而詔以資政殿學士知潭州。

時殿中侍御史李韶訟曰。了翁忠言黨論。載在國史。

比者樞庭之詔。未幾改鎮。改鎮未久。有旨與祠。不知國家人材。有如了翁者幾人。願亟召還處以台輔。不報。

李韶字元

善。吳縣人。

三月。襄陽將王旻等作亂。走降蒙古。

趙范在襄陽。以北軍將王旻。李伯淵。樊文彬。黃國弼等爲腹心。朝夕酣狎。了無上下之序。民訟邊防。一切廢弛。旣而南北軍將交爭。范失于撫馭。于是旻。伯淵焚襄陽城郭倉庫。相繼降于蒙古。襄陽自岳飛收復以來。生聚繁庶。城高池深。甲于邊陲。至是。城中官民尚四萬七千。

是時蒙古方盛宋室益衰  
且內乏謀臣外鮮良將雖  
日下罪已之詔何濟於事  
況失已在前悔亦奚及又  
豈遍告百姓之所可挽回  
適以驚愚惑衆耳王萬既  
精於邊防因詔意而條具  
事宜豈不勝於虛文遠甚  
乃復隱躍其詞止謂言之  
不可太甚又謂宜振厲以  
興感人心何自相刺謬耶

有奇財粟在庫者無慮三十萬軍器二十四庫金銀鹽  
鈔不與焉亂作南軍將李虎等乘火大掠所積一空詔  
削趙范三官仍舊任未幾以臺諫言罷之

夏四月下詔罪已

時師屢爲蒙古所敗襄漢淮蜀日事兵爭帝悔前事命

學士吳泳

字叔永潼川人

草詔罪已泳以監察御史王萬

字處一婺

人忠伉有大志精于邊事以詔意訪之萬曰兵固失矣

言之甚恐亦不可今邊民生意如髮宜以振厲奮發與

感人心因爲條具沿邊事宜泳從其言草詔上進其畧

數年之間多難已甚屬讐金之寇滅而蒙古之與鄰逮

合謀成破蔡之功恐假道有及虞之勢心之憂矣臍可

噬乎又曰兵民之死戰鬪戶口之困流離室廬靡存骸

骨相望是皆朕明不能燭德有未孚上無以格天心下



無以定民志。今方施令發政。以爲綏輯之圖。補卒蒐乘。以嚴守禦之備。想瘡痍之溢目。如疾病之在身。

蒙古初括中原民戶。定賦稅。

初。蒙古唯事進取。降戶皆以與將士。一社之民。各有所

主。不相統攝。至是。詔括戶口。領以大臣。呼圖克。舊作忽都虎。今

改。氏始隸州縣。時羣臣共欲以丁爲戶。耶律楚材以爲

丁爲戶。豈可舍大朝之法。而從亡國之政邪。楚材曰。自

古有中原者。未嘗以丁爲戶。若果行之。可輸一年之賦。

隨卽逃散矣。蒙古主從楚材之議。及呼圖克以所括戶

一百四萬上。蒙古主議割裂諸州郡。分賜諸王貴族。爲

湯沐邑。楚材奏曰。尾大不掉。易以生隙。不如多與金帛。

足以爲恩。蒙古主曰。業已許之矣。楚材曰。若置官吏。必

自朝命。除恒賦外。不令擅自徵斂。差可久也。蒙古主從

之。楚材又定賦稅。每二戶出絲一斤。以供官用。五戶出

絲一斤。以與受賜貴戚功臣之家。上田每畝稅三升半。

中田三升。下田二升半。水田畝五升。商稅三十之一。

鹽每銀一兩。四十斤已上。定爲永額。朝臣皆謂太輕。楚材曰。將來必有以利進者。則以爲重矣。

五月以趙葵為淮東制置使。

葵兼知揚州。墾田治兵。邊備以飭。

秋八月。蒙古破棗陽軍德安府。

宋置。今府屬湖北。

初。蒙古破許州。獲金軍資庫使姚樞。

字公茂。柳城人。後徙洛陽。楊惟

中

字彥誠。州人。

見之。以兄事樞。時北庭無漢人士大夫。太祖

見樞至。甚喜。特加重焉。及庫騰南侵。俾樞從。惟中即軍

中求儒釋道醫卜之人。樞招致稍眾。至是破棗陽。特穆

德克欲坑士人。樞力與辯。得脫死者數十人。繼拔德安。

得趙復。

字仁甫。德安人。

復以儒學見重于世。其徒稱為江漢先

生。既被獲。不欲北行。力求死所。樞止與共宿。譬說百端。

曰。徒死無益。隨吾而北。可保無他也。至燕。名益大著。學

趙復始知為宋守義尚無愧於名儒姚樞力勸止之且謂徒死無益不過因已之不忠于金欲汚復與之洪就緇涅耳復苟明于大



義自當百折不回乃聞可保無他之言遂從而毀節是其立志本亦不堅遂爾

徒百人由是北方始知學經而樞亦初得覩程朱性理之書。

九月有事于明堂大雨震電鄭清之時清之行簡為左右

丞相

曹友聞與蒙古戰于陽平關敗績死之蒙古庫騰遂入成都。

曹友聞帥師拒僭人關蒙古攻武休陷興元欲衝大安軍制置使趙彥呐檄友聞控制大安以保蜀口友聞以為不可彥呐不從友聞乃遣弟萬及友諒引兵上雞冠

隘在漢中府沔縣西南多張旗幟示敵堅守友聞選精

銳萬人夜渡江即漢江自寧羌州流逕沔縣密往流溪漢江東小溪也設伏

約曰。敵至。鳴鼓舉火。內外夾擊。已而蒙古兵果至。萬出

迎戰。令諸軍舉烽。友聞親帥精兵。疾馳至隘下。八龍虎

頭

即龍尾坡。在沔縣龍門山西南。

萬聞之。出隘口。與友聞會。內外兩軍。

皆殊死戰。會大風雨。兩軍素以綿裘代鐵甲。經雨濡濕。

不利。步鬪。黎明。蒙古增鐵騎。四面圍繞。友聞歎曰。此殆

天乎。吾有死而已。于是殺所乘馬。血戰愈厲。與萬俱死。

軍盡沒。蒙古兵遂長驅入蜀。一月之間。成都。利州。潼川。

三路所屬府州。軍監。開隘縣砦。俱破沒。庫騰次于成都。

四屬所存。唯夔州一路。及潼川府路所屬瀘。合州。順慶

府。

注俱見前。

而已。

未幾復成都。

冬十月。蒙古破文州。

唐置明為縣。今縣屬階州。

知州事劉銳等死之。



庫騰兵離成都入文州。知州劉銳通判趙汝彛棄城固守。晝夜搏戰。踰月。援兵不至。銳度不免。集其家人。盡飲以藥。皆死。乃聚其屍。及公私金帛。告命焚之。家素有禮法。幼子纔六歲。飲藥時。猶下拜受之。左右感慟。城破。銳及其二子自刎死。汝彛被執。嚮殺之。軍民同死者數萬人。

封陳日煚爲安南王。

先是。日煚遣使入貢。故有是命。

十一月。蒙古兵入淮西。詔史嵩之趙葵陳韓

字子華。福州侯官人。分

道拒之。

琨布哈入淮西。勸舒光州守臣皆棄城遁。琨布哈合三

州人馬糧械趨黃州。游騎自信陽趨合肥。詔淮西史嵩之援光。淮東趙葵援合肥。沿江陳韓過和州。爲淮西聲援。

孟珙引兵敗蒙古特穆德克于江陵。

先是特穆德克攻江陵。統制李復明死之。已而又破隨

郢州。及荊門軍。特穆德克復攻江陵。史嵩之遣珙救之。

珙遣張順

民兵部將

先渡。而自以全師繼之。變易旌旗服色。

循環往來。夜則列炬照江。數十里相接。珙又遣趙武等

與戰。珙親往節度。遂破蒙古二十四砦。還民二萬而歸。

蒙古將察罕攻真州。知州事邱岳敗之。

蒙古攻真州。岳部分嚴明。守具周悉。蒙古兵薄城輒敗。



岳乘勝出戰于胥浦橋。

在揚州府儀徵縣西。相傳爲伍子胥入吳渡江處。故名。

以

强弩射殺其致師者一人。敵兵少卻。岳曰。敵兵十倍于我。不可以力勝也。乃爲三伏。設礮石待之于西城。敵至。伏起礮發。殺其驍將。敵衆大擾。岳選勇士襲敵營。焚其廬帳。越二日。皆引去。

丁酉嘉熙元年春二月。詔經筵進講朱熹通鑑綱目。

蒙古始給官府符印。定驛令。

初。諸路官府自爲符印。僭越無度。耶律楚材請中書省依式鑄給。名器始重。時諸王貴戚皆得自起驛馬。道路騷擾。所至須索百端。楚材復請給牌劄。定分例。其弊始革。

三月資政殿學士魏了翁卒諡文靖

贈少師

蒙古擊奇卜察克

西域國方輿紀要國在蔥嶺極西舊作欽察今改諸部破之考元

史蘇布特傳太祖癸未蘇布特請討奇卜察克許之遂收其境而太祖本紀不載其事又太宗本紀九年丁酉莽賚扣征奇卜察克部破之擒其酋巴齊瑪克而憲宗本紀書其事而不詳年月蓋奇卜察克在西域最遠叛服不常太祖雖收其境太宗復加征討續綱目于嘉定十八年書蘇布特滅奇卜察克于是年復書蒙古擊奇卜察克前既書滅此復書擊體例未協今節採元史紀傳並輯于此按巴齊瑪克舊作八赤蠻今改

初蒙古太祖時蘇布特擊奇卜察克

續綱目奇卜察克去中國三萬餘里

夏夜極短日暫沒輒出土產良馬富者以萬計所載與唐書郭喇窪傳畧同但郭喇窪地在瀚海北與日出處相近故晝長夜短此奇卜察克在蔥嶺極西地當近日入處晝夜何得與日出處相同其言恐未足據今不取

由庫勒騰

舊作寬定續綱目作寬田濟蘇哈雅舊在吉思海今並改至太和嶺



鑿石開道與其酋伊勒吉舊作玉里吉今改等遇縱兵奮擊衆

潰悉降遂收其境與奈曼諸部千戶通立一軍及蒙古

主卽位既滅金命諸王巴圖舊作板都今改莽賚扣等分討西

域諸部至是莽賚扣擊奇卜察克至濟蘇哈雅其酋巴

齊瑪克逃匿海島會大風刮海水其淺可涉遂進屠其

衆生擒巴齊瑪克復進兵俄羅斯舊作幹羅思今改部至額里

齊舊作也烈贊今改城破之方巴齊瑪克被擒莽賚扣命之跪不肯既而謂監者曰我入于海而

終見擒天也今水週期且至軍宜早還莽賚扣聞之卽班師而水已至後軍有浮渡者

夏五月臨安大火

臨安大火自巳至酉燒民廬五十三萬士民上書咸訴

濟王之寃進士潘昉字庭堅福州閩人對策亦以爲言并及史

彌遠侍御史蔣峴彌遠之黨也。上疏謂火災天數何預

故王。遂劾方大琮。王邁字貫之興化軍仙遊人劉克莊字潛夫莆田人等。

鼓扇異論并斥妨姓同逆賊語涉不順請皆論以漢法。

自是羣臣無敢復言濟王之寃矣。

秋八月蒙古校儒士于諸路。

耶律楚材奏制器者必用良工守成者必用儒臣儒臣

之事業非積數十年殆未易成也。蒙古主曰果爾可官

其人楚材請校試之。乃命稅課使劉中楊奐字奐然乾州人隨

郡考試以經義詞賦論分爲三科。儒人被俘爲奴者亦

令就試其主匿弗遣者死得士凡四千三十人免爲奴

者四之二。楚材又請一衡量立鈔法定均輸庶政畧備民稍蘇息。



冬十月。蒙古侵安豐。宋以壽春郡置安豐軍。元為路。明改壽州。今州屬鳳陽府。知軍事

杜杲力戰禦之。蒙古引還。

蒙古琨布哈攻黃州。孟珙帥師救却之。遂移攻安豐。杜

杲繕完守禦。蒙古以火礮焚樓櫓。杲隨陷。隨補完。蒙古

令巴圖魯斫牌杖木。巴圖魯者。皆死囚為之。攻城以自

贖。杲募善射者。用小箭射其目。巴圖魯多傷而退。蒙古

填壕為二十七壩。杲分兵扼壩。蒙古乘風縱火。俄而風

雪驟作。杲募壯士奪壩路。士皆奮躍死戰。會池州都統

制呂文德。安豐人。突圍入城。合力捍禦。蒙古引去。淮古以

安。文德魁梧勇悍。嘗鬻薪城中。趙葵見其遺屨。長尺有

咫。異而訪之。值文德出獵。暮負虎鹿各一而歸。召置

帳下。遂累功。勞。超擢軍職。

國語及蒙古語同。以巴圖魯為勇敢將士。嘉號豈有以死囚為之之理。漢人不解語義。錯謬辭出者。不勝屈指數。至以小箭射目之語。尤為怪誕可笑。蓋以目小用小箭耳。此所謂捉影之談。豈知小箭輕刺不能命中耶。

十二月戊寅朔日食。

日與金木水火四星俱躔斗。食將既。

戊戌二年春二月以史嵩之參知政事督視京湖江西軍馬。

置司鄂州。

尋兼督視淮南西路光蘄黃夔施州。

夏五月以李鳴復

字成叔瀘州人

知樞密院事余天錫簽書院事。

李宗勉

字彊父富陽人

參知政事。

喬行簡請以兵事委鳴復財用委宗勉楮幣委天錫當會議者臣則參酌行之帝從其請。

秋九月蒙古圍廬州杜杲敗走之。

蒙古察罕帥兵號八十萬圍廬州期破廬後造舟巢湖。



以窺江左。于濠外築土城六十里。穿兩濠。攻具皆數倍。于攻安豐時。杜杲極力守禦。蒙古築壩。高于城樓。杲以油灌草。卽壩下焚之。皆爲煨燼。又于串樓內立鴈翅七層。俄礮中壩上。衆驚。杲乘勝出戰。蒙古敗走。杲追躡數十里。又練舟師扼淮河。遣其子席字康侯監呂文德。聶斌。伏精銳于要害。蒙古不能進。遂引師北歸。詔加杲淮西制置使。

以孟珙爲京湖制置使。冬十月。珙復郢州荆門軍。

珙受詔收復京襄。珙謂必得郢。然後可以通餽餉。得荆門。然後可以出奇兵。及至岳州。檄江陵節制司擣襄郢。召諸將指授方畧。發兵深入。遂復郢州荆門軍。

蒙古建太極書院于燕京。

時濂溪周子之學未至于河朔。楊惟中用師于蜀湖京。漢得名士數十人。始知其道之粹。乃收集伊洛諸書。載送燕京。師還。與姚樞謀建太極書院。及周子祠。以二程張楊游朱六子配食。請趙復為師。選俊秀有識度者為道學生。由是河朔始知道學。

己亥三年春正月。以喬行簡為少傅。平章軍國重事。李宗勉為左丞相。兼樞密使。史嵩之為右丞相。兼樞密使。督視江淮四川京湖軍馬。

嵩之既相。一時正人如杜範。

字成之。黃巖人。

游侶。

字景仁。南充人。

劉應

起。李韶。趙汝騰。

字茂實。宗室子。居福州。

等皆以不合逐去。時三相



當國論者謂喬失之泛李失之狹史失之專然宗勉清  
謹守法猶號爲賢

三月孟珙復襄陽。

珙遣兵及蒙古三戰皆捷。遂復信陽光化軍樊城襄陽。  
因上奏曰。取襄不難。而守爲難。非將士不勇也。非車馬  
器械不精也。實在乎事力之不給爾。襄樊爲朝廷根本。  
今百戰而得之。當加經理。如護元氣。非甲兵十萬。不足  
分守。與其抽兵于敵來之後。孰若保此全勝。上兵伐謀。  
此不爭之爭也。乃以蔡息降人。置忠衛軍。襄郢降人。置  
先鋒軍。

秋八月蒙古軍復破成都而去。

丁黼自誓死守力戰御難  
固為無虧臣節然聞塔海  
入蜀之初不知預籌捍禦  
惟以分遣妻孥為急既味  
公私輕重之宜而宋旗詐  
堅復漫不加察深信旗榜  
招之以致倉猝失備蓋不  
過一迂疎庸闇之人而史  
氏過稱之何歟

蒙古塔海將兵入蜀制置使丁黼聞之先遣妻子南歸  
自誓死守至是塔海自新井唐縣元省故城在今保寧府南部縣入詐豎  
宋將旗黼以為潰卒以旗榜招之既審知其非領兵夜  
出城南迎戰至石筍街在成都府西門外杜甫詩益州城西門陷上石筍雙高躡即此  
兵散力戰而死蒙古遂取漢中簡眉閬蓬州遂寧重慶  
順慶府尋引還黼帥蜀為政寬大蜀人思之

冬十二月觀文殿大學士致仕崔與之卒諡清獻

與之未嘗造朝帝虛位待之致仕踰年而卒贈少師封

南海郡公

與之晚出番禺此然有大臣風與張九齡齊名異代

孟珙遣兵禦蒙古于蜀口

孟珙諱知蒙古塔海等帥眾號八十萬南侵策其必道



施黔。調施州黔州也。施州後周置。明改衛。今為施南府屬湖北黔州。注見前。以透湖湘。乃

請粟十萬石。以給軍餉。以三千人屯峽州。千人屯歸州。

命弟瑛以精兵五千駐松滋。晉縣。今屬荊州府。為夔聲援。增兵

守歸州隘口萬戶谷。在歸州西。及蒙古至。珙密遣將禦之。又

以千人屯施州。蒙古既入蜀。珙增置營砦。分布戰艦。遣

兵間道抵均州防遏。且設策備禦。未幾。蒙古渡萬州。後周

置。明改縣。今湖灘。在萬縣西。水勢險急。春秋泛溢。江面如湖。故名。施夔震動。珙

兄璟時知峽州。帥兵迎拒于歸州大堙砦。在州西北。得捷于

巴東。隋縣。今屬宜昌府。夔州以全。

以陳埧。字和中。郵人。為國子司業。

埧。史彌遠之甥也。紹定中為太常博士。上疏乞去君側

之蟲媚以正主德。從天下之公論以新庶政。蓋指賈貴妃。及彌遠也。彌遠召謂曰。何爲好名。墳曰。好名孟子所不取。然求士于三代之上。惟恐其好名。求士于三代之下。惟恐其不好名耳。因力請外。彌遠卒。乃召還。歷官吏部侍郎。至是授司業。與相慶。以爲得師。

庚子

四年春正月。彗見。

臨安大饑。

饑者奪食于路。市中殺人以賣。盜于隱處掠賣人以微利。日未晡。路無行人。

二月。以孟珙爲四川宣撫使。珙遂大興屯田。

珙條具上流事宜。會謀知蒙古于襄。樊。信陽。隨州。招集。



軍民布種積船材于鄧之順陽乃分兵撓其勢潛兵燒

所積船材又度其必因糧于蔡遣兵火其積聚遂拜四

川安撫使知夔州節制歸峽鼎澧軍馬珙至鎮招集散

民爲寧武軍以降人回鶻愛勒巴圖魯舊作愛里巴圖魯今改爲

飛鶻軍釐蜀政之弊爲條班諸郡縣且曰不擇險要立

砦柵則難責兵以衛民不集流離安耕種則難責民以

養兵乃立賞罰以課殿最俾諸州奉行之尋兼夔州路

制置屯田調夫築堰募農給種又創南陽竹林兩書院

以處襄漢四川流寓之士以李庭芝字祥甫隨州應山人權施州

建始縣晉縣今屬四川夔州府庭芝訓農治兵選壯士雜官軍教

之期年民皆知戰守善馳逐無事則耕敵至則出戰珙

下其法于所部行之

夏四月召史嵩之還以杜杲為沿江制置使知建康府

蒙古復使王檝來

檝前後凡五至以和議未決隱憂致卒遣使歸其柩于

蒙古

秋九月喬行簡罷

行簡古老乃以少師為醴泉觀使尋卒

是冬李宗勉亦卒

辛丑淳祐元年春正月詔加周敦頤張載程顥程頤封爵與

朱熹並從祀孔子廟庭黜王安石從祀

詔曰孔子之道自孟軻後不得其傳至我朝周敦頤張

載程顥程頤真見實踐深探聖域千載絕學始有指歸

和議未成憂在宋而不在  
蒙古檝何汲汲于盟而隱  
憂致卒乎蒙古前此盟宋  
圖金其謀原以亡金寒宋  
故外加之兵內徵其幣使  
宋日益貧削即其遣檝奉  
使往來意不主和并不主  
加幣特藉以玩宋耳此意  
檝豈不知檝固不憂主命  
之辱難言其旋又何至貳  
心外向轉為宋人憂乎此  
蓋宋人詭託其辭以飾觀  
聽揆諸事理所必無者



中興以來。又得朱熹精思明辨。表裏渾融。使大學論孟  
中庸之書。本末洞徹。孔子之道。益以大明于世。朕每觀  
五臣論著。啓沃良多。今視學有日。其令學官列諸從祀。  
以示崇獎之意。尋以王安石謂天命不足畏。祖宗不足  
法。人言不足恤。爲萬世罪人。豈宜從祀孔子。其黜之。越

日。加封敦頤汝南伯。載鄧伯。顯河南伯。頤伊陽伯。

秋九月。高麗王暉。以族子爲質于蒙古。

先是。蒙古伐高麗。高麗屢敗。乃復入貢請平。蒙古令其  
王暉親朝。當罷兵。至是。暉以族子爲質于蒙古。

八月。求遺書。

冬十一月。蒙古主諤格德依俎。第六后龍瑪錦氏。卽昭慈皇后。各

托里格訥按龍瑪鏡舊作刀馬真稱制

楚材素為元太宗信任事  
無不可進言果知囚繫非  
辜平時即當申請病發而  
赦於禮非宜至謂赦發而  
脈復生尤近釋氏修福之  
說又謂楚材推太乙數以  
阻田獵竟似楚材專以術  
數見長欲推尊而適成貶  
損元史誣誕不經大率如  
此

蒙古主諤格德依性嗜酒晚年尤甚耶律楚材數諫不  
聽乃持酒槽鐵口以獻曰此鐵為酒所蝕尚如此況人  
之五臟邪蒙古主乃少減是年二月疾篤脈絕六皇后  
不知所為召楚材問之楚材對曰今任使非人賣官鬻  
獄囚繫非辜者多宜赦天下后亟欲行之楚材曰非君  
命不可頃之蒙古主少蘇后以為言乃首肯之赦發而  
脈復生十一月疾愈楚材推太乙數謂不宜田獵左右  
皆曰不騎射何以為樂出田五日還至烏特古呼蘭方  
紀要地在和林東北舊作鉞鐵鐸湖蘭回回國人舊作奧  
謗多拉哈瑪爾都刺合蠻今並改  
進酒懽飲極夜乃罷翌日殂立凡十有三初蒙古主有



旨以孫錫哩瑪勒

蒙古主第四子庫春之子按錫哩瑪勒舊作矢烈門庫春舊作曲出今並

改為嗣至是后召楚材問之楚材曰此非外姓臣所敢

知自有先帝遺詔幸遵行之后不從遂稱制于和林

成都將田世顯叛以城降蒙古制置使陳隆之死之

塔海部汪世顯等復入蜀進圍成都隆之守彌旬誓與

城存亡部將田世顯潛送款于蒙古乘夜開門北兵突

入隆之舉家數百口皆死檻送隆之至漢州命諭守臣

王夔降隆之大呼曰大丈夫死爾勿降也遂見殺漢州

兵三千出戰城破盡為蒙古所屠

十二月蒙古使伊拉瑪斯

魏瑪氏舊作月里麻思今改

等來至淮上守

將囚之

蒙古使伊拉瑪斯來議和從行者七十餘人。伊拉瑪斯曰。吾與汝等奉命南下。楚人多詐。倘遇害。當死焉。毋辱君命。已而馳抵淮上。守將以兵會之。曰。爾命在我生死頃刻間耳。若能降。官爵可立致。不然。必不汝貸。伊拉瑪斯曰。吾持節南來。以通國好。反誘我以不義。有死而已。守將知其不可逼。乃囚之。長沙飛虎寨。

之。

壬寅二年。

是年以後蒙古  
龜瑪錦后稱制。

春正月。蒙古復侵蜀。孟珙分兵禦

蒙古伊克那顏。

舊作也可。那顏今改。

耶律珠格爾自京兆取道商

房趨三川。遂攻瀘州。孟珙遣一軍屯江陵。及郢州。一軍

屯沙市。

卽今沙頭市。在荊州府江陵縣東南。

一軍自江陵出襄。與諸軍會。



又遣一軍屯涪州。

注見前。

且下令應出戍主兵官不許失

棄寸土。權開州。

宋置。明改縣。今縣屬夔州府。

梁棟以乏糧還司珙曰。

是棄城也。斬以徇。由是諸將稟命惟謹。

蒙古燕京行省郎中姚樞棄官隱于蘇門。

在衛輝府輝縣西。一名百門山。

上有百門泉故名。

先是蒙古以伊勒噶克齊

舊作牙刺瓦赤。今改。

行省事于燕京。主

管漢民公事。以姚樞為郎中。伊勒噶克齊惟事貨賂。以

樞為幕長。分及之。樞拒絕。因辭職去。攜家往輝州。

金置。明改。

縣。今縣屬衛輝府。

之蘇門。作家廟。別為室。奉孔子及宋儒周程

張邵司馬六君子像。刊小學四書并諸經傳註以惠學

者。讀書鳴琴。若將終身。

夏六月。徐榮叟

字茂翁。應龍之子。

罷。榮叟于是年二月。參知政事。

中書舍人李韶言。道揆之地。愛善類。不勝于愛爵祿。畏公議。不勝于畏權勢。與史嵩之議不合。出知泉州。榮叟言。韶議論不阿。請留之。帝不聽。亦罷。

秋七月。蒙古兵渡淮。入揚。滁。和州。

己而。蒙古復破通州。屠其民。

九月。庚辰朔。日食。

冬十一月。日南至。雷電交作。

詔避殿減膳。求直言。

癸卯

三年春二月。以余玠

字義夫。蘄州人。

為四川制置使。

初。玠家貧。落魄無行。亡命走揚州。上謁趙葵。葵壯之。留



置幕府。俾帥舟師。泝淮入河。抵汴。所向有功。累推淮東制置副使。入對言。方今指卽戎之士爲麤人。斥爲僧伍。願陛下視文武之士爲一。勿令偏有所重。偏則必至于激。文武交激。非國之福。帝曰。卿人物議論。皆不尋常。可獨當一面。乃授四川宣諭使。至是。加制置使。知重慶府。蜀中財賦甲天下。入戶部三司者。五百餘萬緡。入四總領所者。二千五百餘萬緡。金銀綾錦之類。不預焉。自寶慶三年。失關外。端平三年。蜀地殘破。所存州郡無幾。國用益窮。十六年間。凡授宣撫使者三人。制置使者九人。俱無成績。于是兩川無復紀律。遺民咸不聊生。監司戎帥。各專號令。疆辟守宰。蕩無法度。蜀日益壞。玠至。大更弊政。遴選守宰。築招賢館于府左。士之至

者玠不厭接。隨其材而任之。遂于利園城大獲山。在保寧府

蒼溪縣東南。城在山上。因石巖爲之。天成奇險。宋末移閬州治此。以護蜀口。蓬州。見

城營山。當作雲山。一曰披衣山。在州東南。與營山縣接界。其山絕險。宋末徙州治此。渠州。注

見城大良平。在順慶府廣安州東北。舊曰濃洞。嘉定府

明爲州。今仍爲府。治樂山。城舊治瀘州。注見城神臂山。在州東。亦曰神臂崖。宋末

徙州治此。其他因山爲壘。綦布星列。如臂使指。氣勢聯絡。屯

兵聚糧。爲必守計。民始有安土之心。播州冉璉及弟璞俱有文武材。隱居

蠻中。前後闖帥辟召。皆堅辭不至。聞玠賢。自詣府上謁。玠待以上客。璉璞居數月。無所言。玠疑之。乃更闢別館。

以處之。且日使人窺其所爲。兄弟終日不言。惟對踞。以望畫地。爲山川城池之形。起則漫去。如是又旬日。請見

玠。屏人曰。某兄弟辱明公禮遇。思有以少裨益。爲今日西蜀之計。其在徙合州城乎。玠不覺躍起。執其手曰。此

玠志也。但未得其耳。璉曰。蜀口形勝之地。莫若釣魚山。請徙諸此。若任得其人。積粟以守之。賢于十萬師遠



矣。玠大喜曰。玠固疑先生非淺士。先生之謀。玠不敢掠以歸已。遂密以其謀聞于朝。請不次官之。詔璉權發遣合州。璉權通判。徙城之事。悉以任之。釣魚城成。蜀始可守。合州。唐置。今屬重慶府。釣魚山。在州東。三面臨江。崖壁峭險。

三月丁丑朔日食。

蒙古中書令耶律楚材以憂卒。

興利不如除害所言良是至生事滅事之說則模稜選輒者流往往援以藉口豈知彼自謂滅事者適為滋事貽患之端乎夫事之

璉瑪錦氏稱制。鄂多拉哈瑪爾專政。權傾中外。后至以御寶空紙。使自書填。楚材曰。天下者先帝之天下。朝廷自有憲章。今欲紊之。臣不敢奉詔。又有旨。凡鄂多拉哈瑪爾所建白。令史不為書者。斷其手。楚材曰。國之典故。先帝悉委老臣。令史何預焉。事若合理。自當奉行。如不可行。死且不避。况截手乎。后不悅。楚材憤悵。成疾而卒。

增舉罷惟當權于理勢之當否若預設一不如臧事之見于心其弊必至于因循便安冒一時寬簡之名久之將廢弛而不可復振故善制事者不憚事煩而事自減不善處事者不欲事多而事轉生張弛之際治理攸關未易輕予其間也

或譖之曰。楚材爲相二十年。天下貢賦半入其家。后命

近臣覆視之。惟琴玩十餘。及古今書畫金石遺文。數千

卷而已。楚材天資英邁。夙出人表。正色立朝。不爲勢屈。每陳國家利病。生民休戚。辭色懇切。蒙古太宗

嘗曰。汝又欲爲百姓哭邪。楚材每言興一利。不若除一

害。生一事。不若減一事。人以爲名言。至順初。贈太師。追封廣寧王。

諡文正。

甲辰四年春正月。以李鳴復參知政事。杜範同知樞密院事。

範固辭。遂與鳴復俱罷。

初。範爲殿中侍御史。嘗論鄭清之李鳴復之過。不行。卽

棄官去。至是不屑與鳴復共政。上疏辭位而去。帝遣使

召還。太學諸生亦上書留範。而斥鳴復。并斥史嵩之。嵩

之諷諫議大夫劉晉之。併論罷二人。



夏六月以呂文德爲淮西招撫使。

先是。以文德爲侍衛副都指揮使。總兩淮軍馬。旣而蒙

古圍壽春。文德解其圍。遂有是命。未幾。文德又敗蒙古

于五河。

宋縣。今屬泗州。縣東濱淮。西北有漣河。沱河。東南有滌河。東北有潼河。並流合淮。所謂五河也。

復其城。

秋九月。詔起復史嵩之。將作監徐元杰。字仁伯。信州上饒人。太學生

黃愷伯等。上書論之。不報。

先是。黃濤。劉應起。徐霖。

字景說。衢州西安人。

等。俱上書論嵩之深

姦擅權。帝不聽。而論者益衆。及其父彌忠卒。詔嵩之起

復。徐元杰上疏曰。陛下爲四海綱常之主。大臣身任道

揆。扶綱常。自聞嵩之有起復之命。凡有父母之心者。莫

不失聲涕零。是果何爲而然。人心天理。誰實無之。興言及此。非可使聞于鄰國也。臣懇懇納忠。何敢詆訐。特爲陛下愛惜民彝而已。疏出。嵩之憾之。帝亦不聽。于是太學生黃愷伯等百四十四人。武學生翁日善等六十七人。皆上書切諫。亦不報。

冬十月。以劉漢弼字正甫。上虞人。爲左司諫。

史嵩之久擅國柄。帝亦患苦之。乃夜降御筆。黜四不才。

臺諫。諫議大夫劉晉之。侍御史王瓚。監察御史龔基先。胡清獻皆罷。以漢弼爲左司諫。

漢弼首贊帝曰。拔去陰邪。庶可轉危而安。否則是非不兩立。邪正不並進。陛下雖欲收召善類。不可得矣。帝嘉納之。



十一月詔史嵩之終喪。

徐元杰復上疏論嵩之起復。士論紛然。乞許其舉執政。自代。帝曰。學校雖是正論。但言之太甚。元杰對曰。正論乃國家元氣。今正論猶在學校。要當保養一綫之脈。因乞引去。左司諫劉漢弼亦上言。願聽嵩之終喪。亟選賢臣。早定相位。嵩之亦自知不為衆論所容。上疏乞終制。帝乃許之。

金淵

字淵叔。臨安府人。

等有罪免。

上欲更新庶政。乃召王伯大。

字幼學。福州人。

李性傳。陳韓等。赴

闕。于是劉漢弼及右正言鄭霖。監察御史江萬里。

字子遠。都

人。相繼言。簽書樞密院事金淵。諫議大夫劉晉之。兵部

尚書鄭起潛吏部侍郎濮斗南陳一薦起居舍人韓祥

國子祭酒項容孫

字仲履江陵人

起居郎葉蕢主管侍衛步軍

司王德明及知州林光謙等皆附麗史嵩之爲之腹心

盤踞要路公論之所切齒詔淵罷政予祠餘各貶官有

差

十二月以范鍾

字仲和婺州蘭溪人

杜範爲左右丞相並兼樞密使

範入相首上五事曰正治本

謂政事當常出于中書母使旁蹊得竊威福

曰

肅宮闈

謂當嚴內外之限使官府一體

曰擇人才

謂當隨其所長用之而久于職母徒守遷

轉之

曰惜名器

謂如文臣貼職武臣閤衛不當爲徇私市恩之地

曰節財用

謂

自人主一身始自宮掖始自貴近始考封樁國用出入之數而補窒其罅漏求鹽策楮幣變更之目而斟酌其

利害仍乞早定國本以安人心



以孟珙知江陵府。

珙至江陵。登城嘆曰。江陵所恃三海。

在荊州府江陵縣東北。孫吳時。引諸

湖及沮漳水。匯江陵以

北。阻拒魏兵。號稱北海。不知沮洳有變。爲桑田者。敵一

鳴鞭。卽至城外。蓋自城以東。古嶺先鋒。直至三汊。

海有上中

下。古嶺等。其名也。

無限隔。乃修復內隘。十有一。別作十隘于外。

有距城數十里者。沮漳之水。舊自城西入江。因障而東。

之。俾遠城北入于漢。而三海遂通爲一。隨其高下。爲墮

蓄泄。三百里間。渺然巨浸。土木之工。百七十萬。民不知

役。因繪圖上之。

巳巳

五年夏四月。右丞相兼樞密使杜範卒。

六月。工部侍郎徐元杰暴卒。

朝臣暴死不明而外多浮議自宜力究虛實以定是非若臨安府鞠獄不盡其情則是朋附爲姦尤爲鉅害豈可模稜了事理宗既不能辨析獄情真僞徒以訟寃之故給賜以慰其家亦昧于政體之甚矣

史嵩之既去。元老舊德。次第收召。杜範既入相。復延元杰議政。多所裨益。六月朔。元杰當侍立。先一日謁范鍾歸。是夕熱大作。夜四鼓。指爪忽裂以死。三學諸生相繼伏闕上言。昔小人傾君子者。不過使之死于蠻烟瘴雨之鄉。今蠻烟瘴雨不在嶺海。而在朝廷。詔付臨安府鞠治。常所給使之入獄。迄無成。劉漢弼亦每以姦邪未盡屏汰爲慮。未幾。以腫疾暴死。太學生蔡德潤等百七十有三人。復叩闕上書訟寃。詔給元杰漢弼官田五百畝。緡錢五千。恤其家。時杜範入相八十日卒。元杰漢弼相繼暴死。時謂諸公皆中毒。堂食無敢下筯者。初。嵩之從子景卿嘗上書諫嵩之曰。久開督府。所成何功。東南民力困于征輸。州縣匱于應辦。誠恐禍起蕭牆。危如朝露。爲今之計。



莫若盡去在幕之羣小。悉召在野之君子。相與改絃易轍。戮力王事。以收桑榆之功。言甚切至。居無何。璟卿暴卒。相傳亦嵩之致毒云。

秋七月癸巳朔日食。

丙午六年。蒙古定宗庫裕克元年。庫裕克舊作貴由。今改。後仿此。春正月辛卯朔日食。

秋七月蒙古主庫裕克立。是為元定宗。

庫裕克太宗長子。母六皇后臨朝四年。至是會諸王百

官議立庫裕克。乃即位于昂吉蘇默托里之地。方輿紀要。地在

和林境。舊作注吉。宿滅禿里。今改。朝政猶出于后。

九月寧武節度使漢東公孟珙卒。諡忠襄。以賈似道為京湖

制置使。

珙卒。累贈太師。封吉國公。珙忠君體國之念。可貫金石。在軍中參佐部曲論事。言人

人異。琪徐以片言折衷。眾志皆愜。謁士遊客。老校退卒。壹以恩意撫接。名位雖重。惟建旗鼓。臨將吏。面色凜然。無敢涕唾者。退則掃地焚香。隱几危坐。若蕭然事外。遠貨色。絕滋味。尤邃于易學。

冬十二月。詔史嵩之致仕。

嵩之服除。有嚮用之意。殿中侍御史章璚正言李昂英。

字浚明。番禺人。

監察御史黃師雍。

字子敬。福州人。

論其無父無君。乞寢

宮祠。削官遠竄。詔皆落職。予祠。翰林學士李韶與從官

抗疏言。陛下不能正姦臣之罪。其過不專在上。蓋大臣

百執事不能輔天子以討有罪。乞斷以春秋之義。亟賜

裁處。乃命嵩之以觀文殿大學士。永國公致仕。詔不復

用。

蒙古侵京湖江淮之境。



蒙古萬戶史權

字伯衡天澤子

等擁兵淮南攻虎頭關塞

在黃州府

麻城縣北與穆陵黃土白沙大城爲五關接河南光山縣界

拔之進至黃州

丁未

七年夏四月以鄭清之爲太傅右丞相兼樞密使

中使及門清之方放浪湖山寓僧剎竟夕不歸詰旦始還入對力辭不允

以趙葵爲樞密使督視江淮京湖軍馬陳韡知樞密院事  
湖南安撫大使

葵兼知建康府韡兼知潭州

秋八月蒙古侵高麗

高麗歲貢不人蒙古伐之自後十年之間凡四易將拔其城十有四

錫哩瑪勒嗣位本太宗遺  
旨瑪錦后欲稱制即律楚  
材會爭之今之聽政正也  
史乃稱諸王大臣皆不服  
蓋曲阿憲宗之意非公道  
不可信

戊申八年春二月蒙古主庫裕克殂后烏拉海額錫舊作幹兀立海  
迷失。稱制。

蒙古主庫裕克殂于杭錫雅爾舊作橫相乙兒今改之地。廟號

后烏拉海額錫抱庫春子錫哩瑪勒聽政諸王大臣皆

不服時國內大旱。河水盡涸。野草自焚。牛馬死者十八

九。人不聊生。諸王及各部。又遣使于諸郡徵求貨

取鷹鶻驛騎絡繹晝夜不絕民力益困

巳酉九年夏四月壬寅朔日食

秋九月嚴中外上書之禁

諫臣言譁徒吻士結黨叩闥簣鼓是非為攫利之計詔

中外士庶上書其言有益于國者必加精採倘涉私邪



干政彈文及其私黨。則內降聖旨。宣諭刪去。謂之節帖。臺諫不敢與爭。

庚戌十年春三月。以賈似道為兩淮制置大使。李曾伯字長孺。嘉興人。居嘉興。為京湖制置使。

似道兼知揚州。曾伯知江陵府。

趙葵罷。

言者論葵非由科目進。且曰。宰相須用讀書人。葵因力辭。其表有云。霍光不學無術。每思張詠之語。以自慚。后稷所讀何書。敢以趙抃之言而自解。帝不得已。授醴泉觀使。兼侍讀。復固辭。乃以觀文殿大學士判

潭州。

冬。余玠出兵。至興元而還。

玠帥蜀。慷慨自許。有挈故地還天子之語。上嘉之。數年之間。建城壁。築關隘。增屯堡。邊境稍息。寢以驕恣。而鄭清之再相。因愆恩。其進兵。于是一意出師。雖有小捷。至興元。遇蒙古將汪德臣。世顯之子。鄭鼎。澤州陽城人。無功而還。



與示  
漸之  
之問  
便始  
自清  
華坊  
祖天  
午之  
滿土  
之







